

摘藻堂四庫全書薈要

史部

欽定四庫全書薈要卷七千二百五十三

史部

資治通鑑卷二百六十七 宋 司馬光 撰

胡三省 音註

後梁紀二

起著雍執徐八月盡重光
協洽二月凡二年有奇

太祖神武元聖孝皇帝中

開平二年八月吳越王鏐遣寧國節度使王景仁

奉表詣大梁

王茂章奔兩浙見二百六十
五卷唐昭宣帝天祐三年

陳取淮

南之策景仁即茂章也避梁諱改焉

帝曾祖諱茂琳按薛史梁

紀元年六月司天監上言請改月辰內戊字為武避諱也

淮南遣步軍都指揮

使周本南面統軍使呂師造擊吳越九月圍蘇州

吳越將張仁保攻常州之東洲拔之

宋白曰通州海門縣東南

隔水二百餘里本東洲鎮

淮南兵死者萬餘人淮南以池州團

練使陳璋為水陸行營都招討使帥柴再用等諸

將救東洲

帥讀曰幸

大破仁保於魚蕩復取東洲

復扶又翻

柴再用方戰舟壞長稍浮之僅而得濟

稍所角翻

家人

為之飯僧千人再用悉取其食以犒部兵

為于偽翻飯扶晚翻

犒苦到翻

曰士卒濟我僧何力焉

史言梁再用善養士卒而不惑於異端

丙

子蜀立皇后周氏后許州人也

周氏蓋蜀主建糟糠之妻也

晉周

德威李嗣昭將兵三萬出陰地關攻晉州刺史徐懷玉

拒守帝自將救之丁丑發大梁乙酉至陝州

將即亮翻陝式冉翻

戊子岐王所署延州節度使胡敬瑄寇上平關

金人疆域圖隰

州石樓縣有上平關按延州東至隰州百三十里耳胡敬瑄蓋渡河來寇也

劉知俊擊破之

周德威等聞帝將至乙未退保隰州

九域志晉州西北至隰州二百五十

五里荆南節度使高季昌遣兵屯漢口

漢口漢水入江之口其地在鄂

州漢陽縣東
大別山下

絕楚朝貢之路楚王殷遣其將許德勲將

水軍擊之至沙頭

沙頭即今江陵城南沙頭市

季昌懼而請和殷又

遣步軍都指揮使呂師周將兵擊嶺南

呂師周降馬殷見上卷元年

與清海節度使劉隱十餘戰取昭賀梧州蒙龔富六州

蒙州

隋始安郡之隋化縣唐武德四年置南恭州貞觀二年
更名蒙州龔州本漢猛陵縣地隋為永平郡武陵縣唐

貞觀三年置鸞州七年移鸞州於今州東仍於鸞州舊
所置龔州又武德四年以始安郡之龍平豪靜及蒼梧

郡之蒼梧置富州九域志昭州東至賀州三百二十五
里南至梧州四百九十里南稍斜至龔州五百五十里
宋開寶廢富州以龍平縣隸昭州在州東南百六十二
里熙寧五年廢蒙州以立山縣隸昭州在州南二百十

二殷土宇既廣乃養士息民湖南遂安 冬十月蜀主

立後宮張氏為貴妃徐氏為賢妃其妹為德妃張氏鄭

人宗懿之母也

鄭漢縣唐帶梓州

二徐耕之女也

徐耕見二百五十八卷唐

昭宗大順二年為徐妃亡蜀張本

華原賊帥溫韜聚眾嵯峨山

帥所類翻

嵯才何翻峨音俄

暴掠雍州諸縣唐帝諸陵發之殆徧

溫韜傳韜在華

原七年唐諸陵在其境內者悉發掘之取其所藏金寶而昭陵窳固韜從埏道下見宮室制度閭闔不異人間中為正寢東西廂列石牀牀上石函中為鐵匣悉藏前代圖書鍾王筆迹紙墨如新韜悉取之遂傳人間惟乾陵風雨不可發確於用翻 庚戌蜀主講武於星宿山步騎三十萬

宿音

秀 丁巳帝還大梁

考異曰編遺錄在乙卯今從實錄薛史

辛酉以劉

隱為清海靜海節度使

兼交廣二鎮也然劉氏終不能有安南

以膳部郎

中趙光裔右補闕李殷衡充官告使隱皆留之

史言群雄割據

各收拾衣冠之胃以為用

光裔光逢之弟殷衡德裕之孫也

依政

進士梁震

依政秦蒲陽縣漢臨邛縣後魏置蒲陽郡及依政縣唐屬邛州九域志在州東南五十里

唐末登第至是歸蜀過江陵高季昌愛其才識留之欲

奏為判官震恥之

高季昌出於奴僕故梁震恥為之僚屬

欲去恐及禍乃

曰震素不慕榮官明公不以震為愚必欲使之叅謀議

但以白衣侍樽俎可也何必在幕府季昌許之震終身

止稱前進士不受高氏辟署季昌甚重之以為謀主呼

曰先輩

唐人呼進士為先輩至今猶然

帝從吳越王鏐之請以亳州

團練使寇彥卿為東南面行營都指揮使擊淮南十一

月彥卿帥眾二千襲霍丘

帥讀曰率

為土豪朱景所敗

敗補遺翻

同下又攻廬壽二州皆不勝淮南遣滁州刺史史儼拒之

彥卿引歸

寇彥卿兵勢已挫而史儼河東健將汴兵所畏也故聞其至而退

定難節

度使李思諫卒

難乃旦翻

甲戌其子彞昌自為留後劉守

文舉滄德兵攻幽州劉守光求救於晉晉王遣兵五千

助之丁亥守文兵至盧臺軍

盧臺軍宋為乾寧軍地九域志乾寧軍在滄州西北

九十為守光所敗又戰玉田亦敗

玉田漢無終縣唐萬歲通天元年更名玉

田屬薊州在薊州東南八十里又東北至平州二百里西至幽州三百里亦敗讀如字

守文乃還

還從宣翻又如字

癸巳中書侍郎同平章事張策以刑部尚

書致仕以左僕射楊涉同平章事

保塞節度使胡敬

璋卒靜難節度使李繼徽以其將劉萬子代鎮延州

保塞

靜難二鎮時皆屬岐

是歲弘農王遣軍將萬全感齋書間道詣

晉及岐告以嗣位

間古莧翻岐晉淮南之與國

帝將遷都洛陽

三年春正月己巳遷太廟神主於洛陽甲戌帝發大梁

壬申以博王友文為東都留守

梁以大梁為東都

己卯帝至洛

陽庚寅饗太廟辛巳祀圓丘大赦丙申以用度稍充

初給百官全俸

唐自廣明喪亂以來百官俸料額存而已至是復全給

二月丁

酉朔日有食之

保塞節度使劉萬子暴虐失衆心且

謀貳於梁李繼徽使延州牙將李延實圖之延實因萬

子葬胡敬璋攻而殺之遂據延州馬軍都指揮使河西

高萬興與其弟萬金聞變以其衆數千人詣劉知俊降

為高萬興兄弟

岐王置翟州於郿城

後魏置數城郡及數城縣隋改曰郿

取郿廷張本

城唐屬坊州九域志縣在郿州東一百二十里翟徒歷翻

其守將亦降

三月甲戌

帝發洛陽以山南東道節度使楊師厚兼潞州四面行

營招討使

庚辰帝至河中發步騎會高萬興兵取丹

延

宋白曰丹州秦上郡地符姚時為三堡鎮後魏大統三年割郿延二州地置汾州理三堡鎮廢帝以河東

汾州同名改為丹州因丹楊川以為名延州項羽以董翳為翟王都高奴即其地魏滅赫連以為統萬鎮後為

東夏州後改延州

丙戌以朔方節度使兼中書令韓遜為潁

川王遜本靈州牙校

校戶教翻

唐末據本鎮朝廷因而授以

節鉞

辛卯丹州刺史崔公實請降

丹州堡塞軍巡屬

徐溫

以金陵形勝戰艦所聚

艦戶點翻

乃自以淮南行軍副使領

昇州刺史留廣陵以其假子元從指揮使知誥為昇州

防遏兼樓船副使往治之

從才用翻治直之翻為徐知誥完理昇州徐溫遂居之張

本

夏四月丙申朔劉知俊移軍攻延州李延實嬰城

自守知俊遣白水鎮使劉儒分兵圍坊州

後魏太和二年分澄城置

白水郡及縣隋廢郡以縣屬馮翊唐屬同州九域志在州西北一百二十里

庚子以王審

知為閩王劉隱為南平王 劉知俊克延州李延實降

降戶
江翻

淮南兵圍蘇州推洞屋攻城

推吐雷翻洞屋以木撐柱為之冒以

牛皮其
狀如洞

吳越將臨海孫瑛置輪於竿首垂絙投錐以揭

之攻者盡露礮至則張網以拒之

絙居登翻揭丘傑翻礮與砲同匹貌翻

淮南人不能克吳越王鏐遣牙內指揮使錢鏐

鏐甫招翻行

軍副使杜建徽等將兵救之蘇州有水通城中淮南張

網綴鈴懸水中魚鼈過皆知之吳越遊奕都虞侯司馬

福欲潛行入城故以竿觸網敵聞鈴聲舉網福因得過

凡居水中三日乃得入城由是城中號令與援兵相應

敵以為神吳越王鏐嘗遊府園見園卒陸仁章樹藝有

智而志之

志者記之於心

及蘇州被圍

被皮義翻

使仁章通信入城

果得報而返鏐以諸孫畜之

畜吁玉翻養也

累遷兩府軍糧都

監使

兩府鎮海鎮東兩節度府

卒獲其用

卒子恤翻

仁章睦州人也辛亥

吳越兵內外合擊淮南兵大破之擒其將何朗等三十

餘人奪戰艦二百艘

艘蘇遭翻

周本夜遁又追敗之於皇天

蕩

此皇天蕩非真州大江中之皇天蕩按宋熙寧三年平江府崑山縣人鄭直上奏言水利長洲縣界有長

蕩皇天蕩此則

是也敗補邁翻鍾泰章將精兵二百為殿殿丁練翻多樹旗

幟於菰蔣中

菰即蔣也幟昌志翻

追兵不敢進而還

還從宣翻又如字

岐王所署保大節度使李彥博

考異曰編遺錄五代史作彥容今從劉恕廣

本坊州刺史李彥昱皆棄城奔鳳翔鄜州都將嚴弘倚

舉城降

鄜音夫

已未以高萬興為保塞節度使以絳州刺

史牛存節為保大節度使

梁遂取鄜坊丹延兩鎮

淮南初置選

舉以駱知祥掌之

喪亂以來選舉之法廢楊氏能復置之故書

五月丁卯

帝命劉知俊乘勝取邠州知俊難之

李繼徽據邠州有鳳翔之援故劉知

俊以取之為難辭以闕食乃召還 佑國節度使王重師鎮長

安數年帝在河中怒其貢奉不時已已召重師入朝以

左龍虎統軍劉捍為佑國留後 癸酉帝發河中已卯

至洛陽劉捍至長安王重師不為禮捍諧之於帝云重

師潛與邠岐通甲申貶重師溪州刺史尋賜自盡夷其

族 為劉知俊殺劉捍以叛張本

劉守文頻年攻劉守光不克 劉守文自

元年攻守光 事始見上卷 乃大發兵以重賂招契丹吐谷渾之衆合

四萬屯薊州守光逆戰於雞蘇

按薛史梁紀是年劉守光上言於薊州西與兄

守文戰生禽守為守文所敗敗補守文單馬立於陳前

陳請泣謂其衆曰勿殺吾弟守光將元行欽識之直前

擒之劉守光以子囚父天下之賊也劉守文既聲其罪而討之有誅無赦小不忍以敗大事身為俘囚自

取之滄德兵皆潰守光囚之別室梃以藂棘梃才旬翻藂與叢同

乘勝進攻滄州滄州節度判官呂充孫鶴推守文子延

祚為帥乘城拒守充安次人也安次漢縣唐屬幽州在州東南一百三十里

所類忠武節度使兼侍中劉知俊去年更同州匡國軍為忠武軍事見

上功名浸盛以帝猜忍日甚內不自安及王重師誅知

俊益懼帝將伐河東

河東謂晉

急徵知俊入朝欲以為河東

西面行營都統且以知俊有丹延之功厚賜之知俊弟

右保勝指揮使知浣從帝在洛陽密使人語知俊云

語牛

倨翻入必死又白帝請帥弟姪往迎知俊

帥讀日辛

帝許之六

月乙未朔知俊奏為軍民所留遂以同州附於岐

典曰考

實錄六月庚戌知俊據本郡反削奪官爵興師討伐編

遺錄六月乙未初奏本道軍民遮留尋聞擒使臣及將

送鳳翔蓋編遺據奏到之日實錄據削奪之日也

執監軍及將佐之不從者皆

械送於岐遣兵襲華州逐刺史蔡敬思

九域志同州南至華州七十里

華戶化翻

以兵守潼關潛遣人以重利啗長安諸將

啗徒濫翻

執

劉捍送於岐殺之知俊遣使請兵於岐亦遣使請晉人

出兵攻晉絳遺晉王書曰不過旬日可取兩京復唐社

稷

遺唯季翻長安可以言取梁都洛陽未易取也

丁未朔方節度使韓遜奏

克鹽州斬岐所署刺史李繼直

唐末鹽州奏事專達朝廷不隸靈夏至是靈鹽

遂復合為一鎮

帝遣近臣諭劉知俊曰朕待卿甚厚何忽相負

對曰臣不背德

背蒲妹翻

但畏族滅如王重師耳帝復使謂

之曰

復扶又翻

劉捍言重師陰結邠岐朕今悔之無及捍死

不足塞責

塞悉側翻

知俊不報庚戌詔削知俊官爵以山南

東道節度使楊師厚為西路行營招討使帥侍衛馬步

軍都指揮使劉鄩等討之

帥讀日率

辛亥帝發洛陽劉鄩至

潼關東獲劉知俊伏路兵藺如海等三十人釋之使為

前導

劉知俊既得潼關於關外沿路伏兵以候望劉鄩反得而用之以為嚮導史炤曰藺姓也其先韓獻

子玄孫曰康食劉知浣迷失道盤桓數日乃至關下關

吏納之如海等繼至關吏不知其已被擒亦納之

被皮義翻

鄩兵乘門開直進遂克潼關追及知浣擒之 癸丑帝

至陝

陝式冉翻

丹州馬軍都頭王行思等作亂刺史宋知

誨逃歸

帝遣劉知俊姪嗣業持詔詣同州招諭知俊

知俊欲輕騎詣行在謝罪弟知偃止之楊師厚等至華

州知俊將聶賞開門降

聶尼輒翻姓也史炤曰楚大夫食采於聶因以為氏

知俊

聞潼關不守官軍繼至蒼黃失圖乙卯舉族奔岐楊師

厚至長安岐兵已據城師厚以奇兵並南山急趨自西

門入遂克之

並步浪翻按唐長安城十門西南三門惟延平門近南山且長安既丘墟之餘且城

大難守使楊師厚不以奇兵入西門岐兵亦不能久也

庚申以劉鄩權佑國留後

岐王厚禮劉知俊以為中書令地狹無藩鎮處之

處呂翺

但厚給俸祿而已

蹄泠不容尺鯉為劉知俊奔蜀張本

劉守光遣使上

表告捷且言俟滄德事畢為陛下掃平并寇

為于偽翻河東并州

之地時與梁為敵故言并寇

亦致書晉王云欲與之同破偽梁

劉守光反

覆梁晉之間自以為得計不知乃所以速亡也

撫州刺史危全諷自稱鎮南

節度使帥撫信袁吉之兵號十萬攻洪州

唐置鎮南軍於洪州撫信

袁吉皆巡屬也危全諷自稱節度舉兵以攻洪州欲兼而有之九域志撫州西北至洪州二百九里帥讀曰率

淮南守兵纔千人將吏皆懼節度使劉威密遣使告急

於廣陵日召僚佐宴飲全諷聞之屯象牙潭不敢進

象牙

潭在撫州金溪縣東北

請兵於楚楚王殷遣指揮使苑玫

苑姓也左傳齊

有大夫苑何忌玫莫杯翻

會袁州刺史彭彥章圍高安以助全諷玫

蔡州人

玫莫杯翻

彥章玕之兄也

彭玕見二百六十有五徐卷唐昭宣帝天祐三年

溫問將於嚴可求可求薦周本乃以本為西南面行營

招討應援使將兵七千救高安本以前攻蘇州無功

事見

上四

稱疾不出可求即其卧内强起之

强其兩翻

本曰蘇州

之役敵不能勝我但主將權輕耳今必見用願毋置副

貳乃可求許之本曰楚人為全諷聲援耳非欲取高

安也吾敗全諷

敗補過翻

援兵必還

援兵謂圍高安之兵還從宣翻

乃疾趣

象牙潭

趣七喻翻

過洪州劉威欲犒軍

犒苦到翻

本不肯留或曰

全諷兵強君宜觀形勢然後進本曰賊衆十倍於我我

軍聞之必懼不若乘其銳而用之秋七月甲子以劉

守光為燕王梁兵克丹州擒王行思商州刺史李

稠驅士民西走

將奔蜀也

將吏追斬之

考異曰薛史稠奔郡西奔本州將吏以

都牙校李玫權知州事歐陽史商州軍亂逐其刺史李稠稠奔于岐實錄丙寅陝州奏商州刺史李稠奔郡逃

山谷又曰商州將吏以稠驅虜士庶西遁追斬無遺暫令都押牙李玫主州事今從之推都押牙

李玫主州事 庚午改佑國軍曰永平

開平元年從佑國軍於長安今

改曰永平

河東兵寇晉州抄掠至堯祠而去

堯都平陽有祠在汾城東

十里東原上平陽唐為臨汾縣晉州所治也

癸酉帝發陝州乙亥至洛陽

寢疾

初帝召山南東道節度使楊師厚欲使督諸將

攻潞州以前充海留後王班為留後鎮襄州

考異曰薛史作王

班今從實錄

師厚屢為班言牙兵王求等凶悍宜備之

為于偽翻

班自恃左右有壯士不以為意每衆辱之戊寅謫求戍

西境是夕作亂殺班推都指揮使雍丘劉玘為留後

雍於用翻
玘區里翻

玘偽從之明日與指揮使王延順逃詣帝所

庭考異曰姚顗明宗實錄薛史玘傳皆云翌日受賀衙
享士伏甲幕下中筵盡斬其亂將以聞以功為復州

刺史按梁祖實錄八月丁酉賜玘王延順物以其違送
將之難來歸編遺錄斬李洪等敕云始扶劉玘既奔竄
以歸朝若使玘翌日便斬亂將襄州何由至九月始收
復蓋玘脫身歸朝及梁亡入唐妄云斬亂將自誇大史
官不能考察
從而書之耳
亂兵奉平淮指揮使李洪為留後附於蜀

未幾房州刺史楊虔亦叛附於蜀

幾居
豈翻

危全諷在象

牙潭營柵臨溪亘數十里

巨居
鄧翻

庚辰周本隔溪布陳

陳讀

陣日先使羸兵嘗敵

羸倫為翻
嘗試也

全諷兵涉溪追之本來其

半濟縱兵擊之全諷兵大潰自相蹂藉

蹂忍久翻又如
又翻藉慈夜翻

溺水死者甚衆本分兵斷其歸路

斷音短

擒全諷及將士

五千人乘勝克袁州執刺史彭彥章進攻吉州

九域志
袁州南

至吉州三百
一十五里

欽州刺史陶雅使其子敬昭及都指揮使

徐章將兵襲饒信信州刺史危仔倡請降

唐僖宗中和
二年危全諷

據撫州仔倡據
信州至是皆亡

饒州刺史唐實棄城走行營都指揮使

米志誠都尉呂師造等敗苑攻於上高

敗補
遭翻

吉州刺史

彭玕帥衆數千人奔楚

唐昭宗天祐三年彭玕附楚

楚王殷表玕為

郴州刺史

柳丑林翻

為子希範娶其女

為于偽翻

淮南以左先鋒

指揮使張景思知信州遣行營都虞候骨言將兵五千

送之

骨姓也唐初有骨儀

危仔倡聞兵至奔吳越吳越王鏐以仔

倡為淮南節度副使更其姓曰元氏

歐史十國世家曰錢鏐惡危姓更之

曰元更工衡翻

危全諷至廣陵弘農王以其嘗有德於武忠王

釋之資給甚厚

楊行密謚武忠時淮南諸將議曰昔先王攻趙鏐全諷屢饗給吾軍乃釋之

八月虔州刺史盧光稠以州附于淮南於是江西之地

盡入於楊氏光稠亦遣使附於梁 甲寅上疾小瘳始

復視朝

自七月乙亥寢疾至是凡四十日朝直遙翻下同

以鎮國節度使康

懷貞為西路行營副招討使 蜀主命太子宗懿判六

軍開永和府妙選朝士為僚屬 辛酉均州刺史張敬

方奏克房州

楊虔以房州附蜀見上九域志均州南至房州二百一十五里

岐王欲

遣劉知俊將兵攻靈夏

夏戶雅翻

且約晉王使攻晉絳晉王

引兵南下先遣周德威等將兵出陰地關攻晉州刺史

邊繼威悉力固守晉兵穿地道陷城二十餘步城中血

戰拒之一夕城復成詔楊師厚將兵救晉州周德威以

騎扼蒙阮之險

蒙阮在汾水東東西三百餘里蹊徑不通

師厚擊破之進抵

晉州晉兵解圍遁去

考異曰實錄云殺殘生禽賊將蕭萬通等賊由是奔寨而遁莊宗

實錄云汴軍至蒙阮周德威逆戰敗之斬首二百級師

厚退絳州是役也小將蕭萬通戰沒師厚進營平陽德

威收軍而退二軍各言勝拔然既殺蕭萬通師厚何背

退保絳州既敗而退豈得復進營平陽德威既戰勝安

肯便收軍蓋晉軍實敗

李洪寇荆南高季昌遣其將

走莊宗實錄妄言耳

倪可福擊敗之

敗補邁翻

詔馬步都指揮使陳暉將兵會荆

南兵討洪

蜀主以御史中丞王鐸為中書侍郎同平

章事

錯苦駭翻

陳暉軍至襄州李洪逆戰大敗王求死九

月丁酉拔其城斬叛兵千人執李洪楊虔等送洛陽斬

之 丁未以保義節度使王檀為潞州東面行營招討

使 劉守光奏遣其子中軍兵馬使繼威安撫滄州吏

民戊申以繼威為義昌留後 辛亥侍中韓建罷守太

保左僕射同平章事楊涉罷守本官以太常卿趙光逢

為中書侍郎翰林奉旨工部侍郎杜曉為戶部侍郎並

同平章事

梁改翰林承旨為翰林奉旨以廟諱誠避曉嫌諱也然誠字與承字各自翻切不同

讓能之子也

杜讓能死國難見二百五十九卷唐昭宗景福二年

淮南遣使者

張知遠修好於福建

好呼到翻

知遠倨慢閩王審知斬之表

上其書

上時掌翻

始與淮南絕審知性儉約常躡麻屨

躡尼翻

府舍卑陋未嘗營葺寬刑薄賦公私富實境內以安歲

自海道登萊入貢沒溺者什四五

自福建入貢大梁陸行當由衢信取饒池

界度江取舒廬壽度淮而後入梁境然自信饒至廬壽皆屬楊氏而朱楊為世仇不可得而假道故航海入貢今自福州洋過温州洋取台州洋過天門山入明州象山洋過淦江掠洄港直東北度大洋抵登萊岸風濤至險故沒溺者衆

冬十月甲子蜀司天監胡秀林獻永昌曆行

之歐陽脩曰永昌歷止行於其國今亡不復見

湖州刺史高澧性凶忍嘗

召州吏議曰吾欲盡殺百姓可乎吏曰如此租賦何從

出當擇可殺者殺之耳時澧糾民為兵有言其咨怨者

澧悉集民兵于開元寺

開元寺今諸州間亦有之蓋唐開元中所置也

給云犒

享入則殺之死者踰半在外者覺之縱火作亂澧閉城

大索

索山客翻

凡殺三千人吳越王鏐欲誅之戊辰澧以州

叛附于淮南

高澧父子以一州之地介居錢楊之間率兩附以自存為日久矣今專附淮南錢氏

之兵舉兵焚義和臨平鎮

九域志杭州仁和縣有臨平鎮按仁和縣本錢塘縣宋朝

太平興國初改錢塘縣曰仁和蓋亦先有義和地名又避太宗藩邸舊名遂改曰仁和也

銀命指揮

使錢鏐討之

十一月甲午帝告謝於圓丘

告謝者告天而謝得

天下也案歐史是日自南至徐無黨注曰不曰有事于南郊蓋比南郊禮差簡

戊戌大赦

鄴

王羅紹威得風痺病

痺必至翻

上表稱魏故大鎮多外兵願

得有功重臣鎮之臣乞骸骨歸第帝聞之撫案動容

撫案

動容非矜羅紹威之病也魏博大鎮世襲者百五十一年一旦委鎮請代出於意料之表喜溢于中不知手之撫

容之已亥以其子周翰為天雄節度副使知府事謂使

者曰亟歸語而主

亟紀力翻急也語牛倨翻而汝也

為我彊飯

為于偽翻彊具

兩翻飯扶晚翻如有不可諱謂死也

當世世貴爾子孫以相報也

今使周翰領軍府尚冀爾復愈耳

考異曰梁功臣列傳朝廷自開創有大

事皆降使咨訪紹威有謀慮亦馳簡獻替或中途相遇意互合者十得五六太祖歎曰竭忠力一人而已又曰于三人長廷規司農卿尚安陽公主又尚金華公主早卒次周翰起復雲麾將軍充天雄節度留後尋檢校司徒正授魏博節度使亦早卒次曰周敬薛史亦同實錄已亥以司門郎中羅廷規充魏博節度副使知府事仍改名周翰時鄴王紹威病日甚慮以後事故奏請馬莊宗列傳紹威卒溫以其子周翰嗣政莊宗實錄紹威厚率重斂傾府藏以奉溫小有違忤溫即遣人詬辱紹威方懷愧耻悔自弱之謀乃潛收兵市馬陰有覆溫之志而賂溫益厚溫恠其由事慮蓄奸謀而莫之察乃賜紹威妓妾數人皆承嬖愛未半歲溫却召還以此得其陰

事內相矛盾薛史又云開平四年夏詔金華公主出家
為尼居於宋州玄靜寺蓋太祖推恩於羅氏令終其婦
節也唐餘劍歐陽史皆同惟唐莊宗實錄獨異按均帝
時趙巖等言羅紹威前恭後倨太祖每深含怒似與此
言合然梁祖若聞紹威有陰謀必不使周翰更居魏疑
後唐史以紹威與梁竄親疾之而載此傳聞之語今從
衆書廷規更名周翰亦恐實錄之誤

岐王欲取靈州以處劉知俊

忠昌呂翻

且以為牧馬之地使知俊自將兵攻之朔方節度使韓
遜告急詔鎮國節度使康懷貞感化節度使寇彥卿將
兵攻邠寧以救之懷貞等所向皆捷克寧衍二州拔慶
州南城刺史李彥廣出降

寧慶衍三州皆前難軍巡屬
岐地也周顯德五年發衍州

為定平鎮隸汾州九域志熙寧五年以汾州定平縣隸涇州在州南六十里

遊兵侵掠至涇

州之境劉知俊聞之十二月己丑解靈州圍引兵還帝

急召懷貞等還遣兵迎援於三原青谷懷貞等還至三

水

三水漢古縣唐屬邠州九域志在州東北六十里

知俊遣兵據險邀之

薛史曰知

俊邀擊懷貞等於邠州長城嶺

左龍驤軍使壽張王彥章力戰

五代會要曰開

平元年改左右親隨軍將馬軍為左右龍驤軍

懷貞等乃得過懷貞與裨將李

德遇許從實王審權分道而行皆與援兵不相值至昇

平

唐天寶十二載分宜君置昇平縣屬坊州

劉知俊伏兵山口懷貞大敗僅

以身免德遇等軍皆沒岐王以知俊為彰義節度使鎮

涇州王彥章驍勇絕倫

驍堅
克翻

每戰用二鐵槍皆重百斤

一置鞍中一在手所向無前時人謂之王鐵槍 蜀蜀

州刺史王宗弁稱疾罷歸成都杜門不出

王宗弁庶弁
也蜀主養以

為子賜
姓名

蜀主疑其矜功怨望加檢校太保固辭不受謂

人曰廉者足而不憂貪者憂而不足吾小人致位至此

足矣豈可求進不已乎蜀主嘉其志而許之賜與有加

宗弁之祈閒以
蜀主之雄猜也

劉守光圍滄州久不下

劉守光自五
月攻滄州

執劉守文至城下示之猶固守城中食盡民食堇泥軍

士食人驢馬相噉駿尾

噉徒濫翻
駿子紅翻

呂充選男女羸弱者

飼以麴麴而烹之

羸倫為翻
六翻酒母麴眠見翻
麥粉

以給軍食

謂之宰殺務

四年春正月乙未劉延祚力盡出降時劉繼威尚幼

劉繼

威守光之子也

守光使大將張萬進周知裕輔之鎮滄州

為張萬進

殺劉繼威張本

以延祚及其將佐歸幽州族呂充而釋孫鶴充

子琦年十五門下客趙玉給監刑者曰此吾弟也勿妄

殺監刑者信之遂挈以逃琦足痛不能行王負之變姓

名乞食於路僅而得免琦感家門殄滅力學自立晉王

聞其名授代州判官

孫鶴終不免於誅呂琦能自樹立天乎人也

辛丑以

盧光稠為鎮南留後

盧光稠以虔州附梁鎮南軍置於洪州時已為淮南所有

劉

守光為其父仁恭請致仕

為于偽翻

丙午以仁恭為太師致

仕守光尋使人潛殺其兄守文歸罪於殺者而誅之

二月萬全感自岐歸廣陵

前年淮南使萬全感使晉及岐

岐王承制加

弘農王兼中書令嗣吳王

唐昭宗天復二年封楊行密吳王今岐王承制加隆演嗣

王於是吳王赦其境內 高灋求救於吳吳常州刺史

李簡等將兵應之湖州將盛師友沈行思閉城不內灋

帥麾下五千人奔吳

按唐昭宗乾寧四年李彥徽奔淮南錢鏐取湖州天復二年徐許亂

杭州湖州刺史高彥遣子渭入援唐昭宣帝天祐三年彥卒子灋代立至是而敗帥讀曰率

三月癸

巳吳越王鏐巡湖州以錢鏐為刺史 蜀太子宗懿驕

暴好陵暴舊臣

好呼到翻

內樞密使唐道襲蜀主之嬖臣也

太子屢譖之於朝

嬖匹計翻又卑義翻譖迄却翻戲也

由是有隙互相訴

於蜀主蜀主恐其交惡以道襲為山南西道節度使同

平章事道襲薦宣徽北院使鄭頊為內樞密使頊受命

之日即欲按道襲昆弟盜用內庫金帛道襲懼奏頊褊

急不可大任

褊補辨翻

丙午出頊為果州刺史以宣徽南院

使潘炕為內樞密使

為宗懿殺道襲張本炕口盜翻

夏州都指揮使

高宗益作亂殺節度使李彝昌將吏共誅宗益推彝昌

族父蕃漢都指揮使李仁福為帥

考異曰薛史仁福本党項拓拔氏唐末

拓拔思恭以破黃巢功賜姓故仁福之族亦賜李歐陽史云不知其於思諫為親疎也按仁福諸子皆連彝字

則於彝昌必父行也

按李仁福子孫

癸丑仁福以聞

夏四月甲子以仁福為定難節度使難乃旦翻 丁卯宋州

節度使衡王友諒獻瑞麥一莖三穗帝曰豐年為上瑞

今宋州大水安用此為詔除本縣令名本縣指產瑞麥之縣令力正翻

遣使詰責友諒詰去吉翻以充海留後惠王友能代為宋州

留後歐陽史職方考梁都大梁徙宣武節度使於宋州薛史開平三年五月升宋州為宣武軍節鎮仍以

毫輝潁友諒友能皆全昱子也廣王全昱帝兄也 帝以晉州

刺史下邑華溫琪拒晉兵有功欲賞之華戶化翻姓也 會護國

節度使冀王友諒上言晉絳邊河東乞別建節鎮壬申

以晉絳沁三州為定昌軍以溫琪為節度使

沁七
鳩翻

左

金吾大將軍寇彥卿入朝至天津橋有民不避道投諸

欄外而死

據歐史寇彥卿傳民姓梁名現

彥卿自首於帝

首式
又翻

帝以彥

卿才幹有功久在左右命以私財遺死者家以贖罪

遺唯

季御史司憲崔沂

唐高宗以御史大夫為大司憲蓋以御史執法之官故名之梁置御史司

憲既曰御史復曰司憲蓋不考名官之義也

劾奏彥卿殺人闕下請論如灋

帝命彥卿分析

崔沂請依法論彥卿之罪帝欲寬之故使分析分析者使彥卿置對分疎辯析

梁現致死之由劾

彥卿對令從者舉置欄外

從才
用翻

不意

誤死帝欲以過失論沂奏在灋以勢力使令為首下手

為從不得歸罪從者不鬪而故毆傷人

毆鳥口翻

加傷罪一

等不得為過失辛巳責授彥卿遊擊將軍左衛中郎將

彥卿揚言有得崔沂首者賞錢萬緡沂以白帝帝使人

謂彥卿

謂者告語之也

崔沂有豪髮傷我當族汝時功臣驕橫

橫戶孟翻

由是稍肅沂沆之弟也

崔沆見二百五十四卷唐僖宗廣明元年

五

月吳徐溫母周氏卒將吏致祭為偶人高數尺衣以羅

錦溫曰此皆出民力柰何施於此而焚之宜解以衣貧

者

偶人起於古之芻靈中世謂之俑則機械發動其手足耳目真有類於生人孔子曰始作俑者其無後乎

正謂此也

高居

未幾起復為內外馬步軍都軍使領潤

州觀察使

幾居豈翻起復之制通古今疑之禮記子夏問曰三年之喪卒哭金革之事無避也者禮

與其非禮與孔子曰吾聞諸老聃昔者魯公伯禽有為為之也今以三年之喪從其利者吾弗知也注云伯禽封於魯有徐戎作難卒哭而征之急王事也自漢以後不許二千石以上行三年喪魏晉聽行三年喪而大臣率有以奪情起復者習俗聞見以為當然莫之非也嗚呼此豈非孔子所謂以三年之喪從其利者乎若王莽之志不在喪徐溫之起復所謂從其利者又難言也

岐王屢求貨於蜀蜀主皆

與之又求巴劍二州蜀主曰吾奉茂貞勤亦至矣若與

之地是棄民也寧多與之貨乃復以絲茶布帛七萬遺

之

復扶又翻
遺唯李翻

己亥以劉繼威為義昌節度使

劉守光
之請也

癸丑天雄節度使兼中書令鄴貞莊王羅紹威卒

自開

平以後國主皆
書俎其後書卒

詔以其子周翰為天雄留後

匡國節

度使長樂忠敬王馮行襲疾篤

二年改許州忠武軍為
匡國軍見上卷樂音洛

表請代者許州牙兵二千皆秦宗權餘黨帝深以為憂

六月庚戌命崇政院直學士李珣馳往視行襲病

崇政
院直

學士即宋朝樞密直學士之職五代會要開平二年十
一月置崇政院直學士二員選有政術文學者為之後

又改為直崇政院李珣即諫成汭造大船
者汭敗歸趙匡凝匡凝敗歸梁珣徒鼎翻曰善諭朕意

勿使亂我近鎮珣至許州謂將吏曰天子握百萬兵去

此數舍

三十里為一舍九域志許州至洛陽三百一十五里

馮公忠純勿使上有

所疑汝曹赤心奉國何憂不富貴由是衆莫敢異議行

襲欲使人代受詔珣曰東首加朝服禮也

論語曰疾君視之東首加

朝服施紳受詔如見君天威不違類咫尺之意首式又翻朝直遙翻

乃即卧内宣詔謂行

襲曰公善自輔養勿視事此子孫之福也行襲泣謝遂

解兩使印授珣

兩使印節度使觀察使印使疏吏翻

使代掌軍府帝聞之

曰子固知珽能辦事馮族亦不亡矣庚辰行襲卒甲申以李珽權知匡國留後悉以行襲兵分隸諸校冒馮姓者皆還宗

冒馮姓者皆行襲之養子也使之歸宗所以消散其黨校戶教翻

楚王殷

求為天策上將詔加天策上將軍殷始開天策府以弟

賓為左相存為右相

賓藏宗翻

殷遣將侵荆南軍于油口

油口

在江陵府公安縣

高季昌擊破之斬首五千級逐北至白田而

還

還從宣翻又如字

吳水軍指揮使教駢圍吉州刺史彭玕

弟瑊於赤石

瑊古咸翻即吉州之赤石洞彭氏巢穴也

楚兵救瑊虜駢以歸

秋七月蜀門下侍郎兼吏部尚書同平章事韋莊卒

吳越王鏐表宦者周延誥等二十五人唐末避禍至

此非劉韓之黨乞原之

劉韓謂劉季述韓全誨也

上曰此屬吾知其

無罪但今革弊之初不欲置之禁掖可且留於彼諭以

此意岐王與汾涇二帥

邠帥李繼徽涇帥劉知俊帥所類

各遣使告

晉請合兵攻定難節度使李仁福

難乃旦翻

晉王遣振武節

度使周德威將兵會之合五萬衆圍夏州仁福嬰城拒

守

夏戶雅翻

八月以劉守光兼義昌節度使

考異曰實錄是歲五月

以義昌留後劉繼威為義昌節度使八月又云以守光
兼義昌節度使不言置繼威於何處或者復為留後不
然守光兼幽滄節度使繼威但為滄州節度使皆不可
知今兩存之 余謂先是以劉守光子繼威為義昌節
度使繼威童騃故復命守光
兼領之蓋亦守光之志也 鎮定自帝踐祚以來

祚當

昨雖不輸常賦而貢獻甚勤會趙王鎔母何氏卒庚申

遣使弔之且授起復官時鄰道弔客皆在館使者見晉

使歸言於帝曰鎔潛與晉通鎮定勢彊恐終難制帝深

然之

為遣兵圖鎮定
二鎮附晉張本

壬戌李仁福來告急甲子以河

南尹兼中書令張全義為西京留守帝恐晉兵襲西京

晉兵自潞州下懷孟則西京震動矣以宣化留後李思安為東北面行營

都指揮使

據歐史職方考梁以鄧州為宣化軍

將兵萬人屯河陽

所以衛洛陽也

丙寅帝發洛陽已已至陝

陝式冉翻

辛未以鎮國節度使楊

師厚為西路行營招討使會感化節度使康懷貞將兵

三萬屯三原

唐末以徐州數經叛亂廢武寧軍尋復以為感化軍歐史職方考徐州直注武寧軍

華州注感化軍蓋梁改華州鎮國軍為感化軍也一曰感化軍陝州梁初改同州為忠武軍蓋劉知俊之叛又

改同州為鎮國軍

帝憂晉兵出澤州逼懷州既而聞其在綏銀

磧中

晉兵趨夏州率自麟府濟河西至夏州按九域志麟州西至夏州三百五十里西南至銀州一百八

十里綏州西至夏州四百里所謂磧中
皆旱海及無定河川之地磧七迹翻 曰無足慮也甲

申遣夾馬指揮使李遇劉綰自鄜延趨銀夏邀其歸路

梁置左右堅銳夾
馬突將趨七喻翻

吳越王鏐築捍海石塘

今杭州城外頻浙江

皆有石塘上起六和塔下
抵艮山門外皆錢氏所築 廣杭州城大修臺館由是錢

塘富庶盛於東南 九月己丑上發陝甲午至洛陽疾

復作

復扶又翻

李遇等至夏州岐晉兵皆解去 冬十月

遣鎮國節度使楊師厚相州刺史李思安將兵屯澤州

以圖上黨 吳越王鏐之巡湖州也留沈行思為巡檢

使與盛師友俱歸行思謂同列陳瓌曰王若以師友為

刺史何以處我

是年三月鏐巡湖州處昌呂翻

時瓌已得鏐密旨遣行

思詣府

詣鎮海軍府

乃給之曰何不自詣王所論之行思從

之既至數日瓌送其家亦至行思恨瓌賣已鏐自衣錦

軍歸

錢鏐生於臨安石鏡鎮里中有大木鏐幼與羣兒戲木下鏐坐大石指揮羣兒為隊伍號令有法羣

兒憚之及貴唐昭宗改鏐所居鄉為廣義鄉里為勲貴里所居營曰衣錦營石鏡山為衣錦山鏐每遊衣錦軍宴故老山林皆覆以錦號其幼所常戲大木曰衣錦將軍作歌曰三郎還鄉兮衣錦衣父老遠來相追隨斗牛無字又無欺吳越一王駟

將吏迎謁行思取鍛槌擊瓌

馬歸給徒亥翻衣於既翻

殺之

鋌都玩翻小治也槌傳追翻

因詣鏐與師友論功

論逐高豐之功

奪左

右槩欲刺師友

槩色角翻刺七亦翻

衆執之鏐斬行思以師友為

婺州刺史

十一月己丑以寧國節度使同平章事王

景仁充北面行營都指揮招討使潞州副招討使韓勅

副之

勅渠京翻

以李思安為先鋒將趣上黨

趣七喻翻

尋遣景仁

等屯魏州

意在圖鎮定不在上黨也

楊師厚還陝

蜀主更太子宗

懿名曰元坦

更工衡翻

庚戌立假子宗裕為通王宗範為夔

王宗鑑為昌王

鑑火外翻

宗壽為嘉王宗翰為集王立其子

宗仁為普王宗輅為雅王宗紀為褒王宗智為榮王宗
澤為興王宗鼎為彭王宗傑為信王宗行為鄭王初唐
末宦官典兵者多養軍中壯士為子以自彊如田令孜
楊復恭之
類由是諸將亦倣之而蜀主尤多惟宗懿等九人及宗

特宗平真其子宗裕宗鑑宗壽皆其族人宗翰姓孟蜀
主之姊子宗範姓張其母周氏為蜀主妾自餘假子百

二十人皆功臣雖冒姓連名而不禁昏姻

史言假父假
子皆以利合

非人倫
之正

上疾小愈辛亥校獵於伊洛之間

伊洛二水
之間也

上疑趙王鎔貳於晉

先有疑心因晉使在館愈疑之

且欲因鄴王紹

威卒除移鎮定會燕王守光發兵屯涑水欲侵定州上

遣供奉官杜廷隱丁廷徽監魏博兵三千分屯深冀

唐末

置東頭供奉官西頭供奉官後皆為西班寄祿

聲言恐燕兵南寇助趙守禦又

云分兵就食趙將石公立戍深州白趙王鎔請拒之鎔

遽命開門移公立於外以避之公立出門

出深州城門

指城

而泣曰朱氏滅唐社稷三尺童子知其為人而我王猶

恃姻好以長者期之

鎔子昭祚娶梁女見二百六十二年好呼到翻長

知兩

此所謂開門揖盜者也惜乎此城之人今為虜矣

梁人有亡奔真定以其謀告鎔者鎔大懼又不敢先自

絕但遣使詣洛陽訴稱燕兵已還與定州講和如故

定州

謂義武節度使王處直也

深冀民見魏博兵入奔走驚駭乞召兵還

上遣使詣真定慰諭之未幾廷隱等閉門盡殺趙戍兵

乘城拒守

幾居
豈翻

鎔始命石公立攻之不克乃遣使求援

於燕晉鎔使者至晉陽義武節度使王處直使者亦至
欲共推晉王為盟主合兵攻梁晉王會將佐謀之皆曰

鎔久臣朱溫

唐昭宗光化三年王鎔服於朱全忠及其受禪遂臣事之

歲輸重賂

春

遇翻結以昏姻其交深矣此必詐也宜徐觀之王曰彼亦

擇利害而為之耳王氏在唐世猶或臣或叛

謂王武俊承宗及王

庭湊也況肯終為朱氏之臣乎彼朱溫之女何如壽安公

主

王鎔曾祖元達尚唐絳王悟女壽安公主

今救死不贍何顧昏姻我若疑

而不救正墮朱氏計中宜趣發兵赴之

趣讀曰促

晉趙叶力

破梁必矣乃發兵遣周德威將之出井陘屯趙州

史言晉王

識虛實見兵勢陘音刑

鎔使者至幽州燕王守光方獵幕僚孫鶴

馳詣野謂守光曰趙人來乞師此天欲成王之功業也

守光曰何故對曰比常患其與朱溫膠固

比毗至翻近也

溫之

志非盡吞河朔不已今彼自為讐敵王若與之并力破

梁則鎮定皆歛衽而朝燕矣

鎮王鎔定王處直朝直遙翻

王不出師

但恐晉人先我矣守光曰王鎔數負約

先悉薦翻數所角翻

今使

之與梁自相弊吾可以坐承其利

自戰國以來卞莊刺虎鵠蚌相持犬兔俱

斃皆此說也苟不能審勢見幾則此說誤人多矣

又何救焉趙使者交錯于路

守光竟不為出兵自是鎮定復稱唐天祐年號復以武

順為成德軍

鎮定臣梁稱開平年號避梁廟諱改成德軍為武順軍既與梁猜阻故年號軍號皆

後唐之舊

司天言來月太陰虧不利宿兵於外上召王景

仁等還洛陽十二月己未上聞趙與晉合晉兵已屯趙

州乃命王景仁等將兵擊之庚申景仁等自河陽度河

會羅周翰兵合四萬軍于邢洺 虔州刺史盧光稠疾

病欲以位授譚全播

疾革曰病譚全播與盧光稠同起兵者也

全播不受光

稠卒其子韶州刺史延昌來奔喪全播立而事之吳遣

使拜延昌虔州刺史延昌受之亦因楚王殷密通表於

梁曰我受淮南官以緩其謀耳必為朝廷經畧江西

為于

偽翻盧廷昌此言欲得鎮南旌節耳

丙寅以延昌為鎮南留後延昌表其

將廖爽為韶州刺史

廖力救翻今讀如料姓苑云周王子伯廖之後後漢有廖湛

爽

贛人也

贛音紺

吳淮南節度判官嚴可求請置制置使於

新淦縣

新淦漢古縣唐屬吉州九域志在虔州北六百里宋白曰縣南有子淦山因名淦音紺又音甘

遣兵戍之以圖虔州每更代輒潛益其兵虔人不之覺

也

更工衡翻為淮南併虔州張本

庚午蜀主以御史中丞周庠戶部

侍郎判度支庾傳素並為中書侍郎同平章事太常

卿李燕等刊定梁律令格式癸酉行之

按五代會要新刪定令三十卷

式二十卷格一十卷律并目錄一十三卷律疏三十卷共一百三卷目為大梁新定格式律令頒下施行

丁丑王景仁等進軍柏鄉 辛巳蜀大赦改明年元曰

永平 趙王鎔復告急於晉

復扶又翻王景仁等之軍侵逼故復告急

晉王

以蕃漢副總管李存審守晉陽自將兵自贊皇東下

贊皇

縣以山得名宋白曰贊皇本漢鄴縣地隋開皇六年置贊皇縣縣南有贊皇山因名按九域志宋廢贊皇縣為

鎮屬高邑縣高邑縣在趙州西南四十二里

王處直遣將將兵以從

從才用翻辛

巳晉王至趙州與周德威合獲梁芻蕘者二百人

劉草曰芻

采薪曰莧
莧如招翻

問之曰初發洛陽梁主有何號令對曰梁主

戒上將云鎮州反覆終為子孫之患今悉以精兵付汝

鎮州雖以鐵為城必為我取之

偽必為于翻

晉王命送於趙

使趙人聞此言以堅其附晉之心

壬午晉王進軍距柏鄉三十里遣周

德威等以胡騎迫梁營挑戰

挑徒了翻

梁兵不出癸未復進

距柏鄉五里營於野河之北又遣胡騎迫梁營馳射且

詬之

復扶又翻詬古候翻又許候翻

梁將韓勅等將步騎三萬分三道

追之鎧冑皆被繒綺鏤金銀光彩炫耀

被皮義翻繒繒陵翻鏤郎豆翻

炫熒
綃翻

晉人望之奪氣周德威謂李存璋曰梁人志不在

戰徒欲曜兵耳不挫其銳則吾軍不振乃徇于軍曰彼

皆汴州天武軍

五代會要曰開平元年四月改左右長直為左右龍虎軍左右內衙為左右羽

林軍左右堅銳夾馬突將為左右神武軍左右親隨軍將馬軍為左右龍驤軍其年九月置左右天興左右廣勝軍仍以親王為軍使二年十月置左右神捷軍十二月改左右天武為左右龍虎軍左右龍虎為左右天武軍左右天威為左右羽林軍左右羽林為左右天威軍左右英武為左右神武軍左右神武為左右英武軍前朝置神虎等六軍謂之衛士至是以天武屠酤傭販之天威英武等六軍易其軍號而任勲舊焉

徒耳衣鎧雖鮮十不能當汝一擒獲一夫足以自富此

乃奇貨不可失也德威自引千餘精騎擊其兩端

陳有厚薄

中軍堅厚不可衝擊擊其兩端以其薄也

左右馳突出入數四俘獲百餘人

且戰且却距野河而止梁兵亦退德威言於晉王曰賊

勢甚盛宜按兵以待其衰王曰吾孤軍遠來救人之急

三鎮烏合利於速戰

鎮定河東是為三鎮言三鎮之兵合而為一當乘初至之銳以破敵

曠日持久情見勢屈敵人聞之其心必離

公乃欲按兵持重何也德威曰鎮

定之兵長於守城短於野戰且吾所恃者騎兵利於平

原廣野可以馳突今壓賊壘門騎無所展其足且衆寡

不敵使彼知吾虛實則事危矣王不悅退卧帳中諸將

莫敢言德威往見張承業曰大王驟勝而輕敵

謂失審之勝也

不量力而務速戰

量音良

今去賊咫尺所限者一水耳

謂野

河也彼若造浮橋以薄我我衆立盡矣不若退軍高邑

高邑漢鄆縣光武更名高邑唐屬趙州九域志在州西南四十二里在柏鄉北三十餘里

誘賊離營

誘音酉離力智翻

彼出則歸彼歸則出別以輕騎掠其饋餉不

過踰月破之必矣承業入寨帳撫王曰

寨起度翻

此豈王安

寢時耶周德威老将知兵其言不可忽也王蹶然興曰

予方思之時梁兵閉壘不出有降者詰之

降戶江翻詰去吉翻

曰

景仁方多造浮橋王謂德威曰果如公言是日拔營退

保高邑 辰州蠻酋宋鄴淑州蠻酋潘金盛恃其所居

深險數擾楚邊至是鄴寇湘鄉

首慈由翻淑音叙數所角翻宋白曰秦置黔中

郡於今沅陵縣西二十里漢改黔中郡為武陵郡建武二十五年宗均受羣蠻降置辰陽縣隋為辰州因辰溪

為名唐貞觀八年分辰州龍標縣置巫州天授三年改沅州大歷五年改淑州唐武德四年分衡山置湘鄉縣

屬潭州九域志在州西南一百五十五里楚書作潘全盛

金盛寇武岡

宋白曰晉武帝分都梁立

武岡縣今崗東五十里有漢都梁故城是也後漢武陵蠻為漢所伐來保此崗故謂之武岡郡國志云武岡接

武陵因楚王殷遣昭州刺史呂師周將衡山兵五千討以為名

之

考異曰湖湘故事呂師周斬潘金晟於武岡其年十月十一日辰州宋鄴淑州昌師益一時歸投於馬

氏今從十國紀年

寧遠節度使龐巨昭高州防禦使劉昌魯

皆唐官也黃巢之寇嶺南也臣昭為容管觀察使昌魯

為高州刺史帥羣蠻據險以拒之

帥讀曰率

巢衆不敢入境

唐嘉其功置寧遠軍於容州以巨昭為節度使

按通鑑唐昭宗

乾寧四年置寧遠軍於容州以李克用大將蓋寓領節度使考之新書方鎮表容州置節鎮亦在是年龐巨昭

建節當在是年之後

以昌魯為高州防禦使及劉隱據嶺南二州

不從隱遣弟巖攻高州昌魯大破之又攻容州亦不克

昌魯自度終非隱敵

度徒洛翻

是歲致書請自歸於楚楚王

殷大喜遣橫州刺史姚彥章將兵迎之彥章至容州裨

將莫彥昭說巨昭曰湖南兵遠來疲乏宜撤儲侍

說式芮翻

撤直列翻
侍直里翻

弃城潛於山谷以待之彼必入城我以全軍

掩之彼外無繼援可擒也巨昭曰馬氏方興今雖勝之

後將何如不若具牛酒迎之彥昭不從巨昭殺之舉州

迎降

考異曰湖湘故事龐巨曦本唐末邕容等州防禦使聞馬氏令公以征南步軍指揮使李璵知桂

州軍事領兵士收服嶺外昭梧象柳宜蒙賀桂等州巨
賊聞此雄勢謂諸首領曰李瓊有破竹之勢若長驅兵
馬此來侵吞吾境其將奈何時容南指揮使莫彥昭對
曰李瓊兵馬其勢已雄必然輕敵今欲燒毀城內軍儲
且各入山峒拋州城與李瓊候纔入州却依前出諸山
峒兵士復攻之堅守旬月之間城內必無軍糧外無救
應方可制造攻具再攻擊之必取勝也龐巨曦曰吾每
至中宵獨占氣象馬氏合當五十餘年興霸湖外苟五
十餘年對壘安知孰非是以憂疑不服遂至深夜斬莫
彥昭於其第明日以其故密走事宜於湖南又曰天復
末甲子十有二月容南龐巨曦深慮廣南劉巖不道加
害於己遂差小吏間路密持書款歸於馬氏是時湖南
遣澧州刺史姚彥章領馬步軍八千徑往容南巨曦遂
帥萬餘衆歸于馬氏又曰高州防禦使劉昌魯以廣南
先主劉巖欲并吞嶺外數召昌魯欲籍沒其家族昌魯
知之乃刺血寫書投馬氏具述懸急湖南遂遣捉生指

揮使張可求部轄兵馬於界首應接一
行三千餘口歸于馬氏今從十國紀年
彥章進至高州

九域志容州東南至高州二百八十二里
以兵援送巨昭昌魯之族及士卒

千餘人歸長沙楚王殷以彥章知容州事
為姚彥章不能守容州張

本以昌魯為永順節度副使
馬殷并朗州奏改武貞軍為永順軍
昌魯鄴

人也

乾化元年
按歐史是年五月甲申朔大赦改元
春正月丙戌朔日有食之

考異曰李昊蜀書丁亥朔日食
今從實錄等諸書
柏鄉比不儲芻
比毗至翻近也言近

時趙人不儲芻於柏鄉蓋亦虞梁兵之至以資敵也
梁兵刈芻自給晉人日以遊

軍抄之

抄楚交翻

梁兵不出周德威使胡騎環營馳射而詬

之

環音官詬古候翻

梁兵疑有伏愈不敢出劉屋茅坐席以飼

馬

劉寸卧翻飼祥吏翻

馬多死丁亥周德威與別將史建瑋李嗣

源將精騎三千壓梁壘門而詬之王景仁韓勛怒悉衆

而出德威等轉戰至高邑南李存璋以步兵陳於野河

之上

陳讀曰陣下同

梁軍橫亘數里競前奪橋鎮定步兵禦之

勢不能支晉王謂匡衛都指揮使李建及曰賊過橋則

不可復制矣建及選卒二百援鎗大譟

復扶又翻援于元翻

力戰

却之建及許州人姓王李罕之之假子也

薛史李建及本姓王少事

李罕之光啓中罕之選步下驍勇百人以獻李克用建及在籍中後以功賜姓名

晉王登高丘

以望曰梁兵爭進而囂

囂虛驕翻又牛刀翻

我兵整而靜我必勝

戰自已至午勝負未決晉王謂周德威曰兩軍已合勢

不可離我之興亡在此一舉我為公先登公可繼之德

威叩馬而諫曰觀梁兵之勢可以勞逸制之未易以力

勝也

為于偽翻易以歧翻

彼去營三十餘里雖挾糗糧亦不暇食

日昃之後飢渴內迫矢刃外交

糗去久翻昃徒結翻日是也

士卒勞

倦必有退志當是時我以精騎乘之必大捷於今未可

也王乃止

梁晉爭天下周德威以勇聞是難能也時魏然觀其制勝以計不以勇是又難能矣

滑之兵陳於東宋汴之兵陳於西至晡梁軍未食士無

闔志景仁等引兵稍却周德威疾呼曰

呼火固翻

梁兵走矣

晉兵大譟爭進魏滑兵先退李嗣源帥衆譟於西陳之

前曰東陳已走爾何久留梁兵互相驚怖遂大潰

置陣延亘

東西不相知為敵所譟故驚怖而潰帥讀曰率怖普布翻

李存璋引步兵乘之呼曰

梁人亦吾人也父兄弟餉軍者勿殺於是戰士悉解

甲投兵而弃之。囂聲動天地。趙人以深冀之憾。不顧剽

掠

憾梁遣杜廷隱等殺深冀戍兵也。剽。匹妙翻。

但奮白刃追之。梁之龍驤神

捷精兵殆盡

薛史本紀開成二年以尹皓部下五百人為神捷軍。

自野河至柏鄉

僵尸蔽地

僵居良翻。

王景仁韓勅李思安以數十騎走

王景仁嘗

以勞逸制梁兵而不知又為周德威以勞逸制之也。

晉兵夜至柏鄉。梁兵已去。弃

糧食資財器械不可勝計

勝音升。

凡斬首二萬級。李嗣源

等追奔至邢州

九域志自柏鄉西南至邢州一百五十餘里。

河朔大震。保義

節度使王檀嚴備。然後開城納敗卒。給以資糧。散遣歸

本道晉王收兵屯趙州杜廷隱等聞梁兵敗奔深冀而去悉驅二州丁壯為奴婢老弱者阮之城中存者壞垣而已癸巳復以楊師厚為北面都招討使將兵屯河陽收集散兵旬餘得萬人己亥晉王遣周德威史建瑋將

三千騎趣澶魏

趣七喻翻澶魏二州名澶市連翻

張承業李存璋以步

兵攻邢州自以大軍繼之移檄河北州縣諭以利害帝

遣別將徐仁溥將兵千人自西山夜入邢州

西山即太行連延至

上黨助王檀城守己酉罷王景仁招討使落平章事

其以

也敗

蜀主之女普慈公主嫁岐王從子秦州節度使繼

崇

蜀主以蕭梁郡名封其女宋白曰梁武帝置普慈鄂於普州安岳縣從才用翻

公主遣宦者

宋光嗣以絹書遺蜀主

遺唯季翻

言繼崇驕矜嗜酒求歸成

都蜀主召公主歸寧

已嫁之女父母在則有時而歸寧寧安也

辛亥公主至

成都蜀主留之以宋光嗣為閣門南院使岐王怒始與

蜀絕

為蜀伐岐張本

光嗣福州人也

呂師周攀藤緣崖入飛

山洞襲潘金盛擒送武岡斬之

飛山在今靖州北十五里比諸山為最高峻四

面絕壁千仞環山有壕塹其遺趾尚存

二月己未晉王至魏州攻之不

克上以羅周翰年少且忌其舊將佐

謂羅紹威之元從將佐也少詩照翻

庚申以戶部尚書李振為天雄節度副使命杜廷隱將

兵千人衛之

先是帝以羅紹威之請撫衆動容至此心術露矣

自楊劉濟河間

道夜入魏州助周翰城守

間古覓翻守手又翻

癸亥晉王觀河於

黎陽梁兵萬餘將度河聞晉王至皆弃舟而去

史言梁兵懼晉

王之甚

帝召蔡州刺史張慎思至洛陽久未除代蔡州

右廂指揮使劉行琮作亂縱兵焚掠將奔淮南順化指揮使王存儼誅行琮撫遏其衆自領州事以衆情馳奏

時東京留守博王友文不先請遽發兵討之兵至鄆陵

九域志鄆陵縣在大梁東南一百六十里

帝曰存儼方懼若臨之以兵則飛

去矣馳使召還甲子授存儼權知蔡州事

乙丑周德

威自臨清攻貝州拔夏津高唐

夏津本古鄆縣唐天寶元年更名夏津屬貝州

九域志在魏州東北二百五十里

攻博州拔東武朝城

漢東郡東武陽縣後魏曰武陽

唐開元七年更名朝城屬魏州故朝城縣管內猶有地名東武九域志朝城在魏州東南八十里

攻澶

州刺史張可臻弃城走帝斬之德威進攻黎陽拔臨河

淇門逼衛州掠新鄉共城

隋分汲獲嘉二縣地於古新樂城置新鄉縣共城漢共縣

地唐志屬衛州九域志共城在州西北五十五里共音恭

庚午帝親帥軍屯白司馬

阪以備之

史言晉兵乘勝聲勢之盛梁祖選富家子有材力者置帳下號廳子都薛居正曰太祖置

廳子都最為親軍白司馬阪在洛陽城北帥讀曰率

盧龍義昌節度使兼中書

令燕王守光既克滄州

去年正月克滄州

自謂得天助淫虐滋

甚每刑人必置諸鐵籠以火逼之又為鐵刷刷人面聞

梁兵敗於柏鄉使人謂趙王鎔及王處直曰聞二鎮與

晉王破梁兵舉軍南下僕亦有精騎三萬欲自將之為

諸公啟行

詩元戎十乘以先啟行註云啟突敵陣之前行行戶剛翻

然四鎮連兵必

有盟主僕若至彼何以處之

四鎮謂并幽鎮
定處昌呂翻

鎔患之遣

使告于晉王晉王笑曰趙人告急守光不能出一卒以

救之及吾成功乃復欲以兵威離間二鎮

復扶又翻
間古覓翻

愚

莫甚焉諸將曰雲代與燕接境彼若擾我城戍動搖人

情吾千里出征緩急難應此亦腹心之患也不若先取

守光然後可以專意南討王曰善

為晉攻燕
滅之張本

會楊師厚

自磁相引兵救邢魏壬申晉解圍去師厚追之逾漳水

而還邢州圍亦解

先解魏州圍又解邢州圍
之翻相息亮翻還音旋又如字

師厚

留屯魏州趙王鎔自来謁晉王於趙州

九域志鎮州南至趙州九十五

里大犒將士

犒苦到翻

自是遣其養子德明將三十七都常


從晉王征討德明本姓張名文禮燕人也

張文禮後遂殺王鎔而亂

鎮州壬午晉王發趙州歸晉陽留周德威等將三千人戍

趙州

資治通鑑卷二百六十七



總校官庶吉士臣侍朝

校對官編修臣閔懋大

謄錄監生臣張起隆

欽定四庫全書薈要

史部

資治通鑑卷二百六十八
九

詳校官編修臣汪鏞



欽定四庫全庫薈要卷七千二百五十四

史部

資治通鑑卷二百六十八 宋 司馬光 撰

胡三省 音註

後梁紀三

起重光協洽三月盡昭陽
作噩十一月凡二年有奇

太祖神武元聖孝皇帝下

乾化元年三月乙酉朔以天雄留後羅周翰為節

度使 清海靜海節度使兼中書令南平襄王劉

隱病亟

亟紀
力翻

表其弟節度副使嚴權知留後丁亥

卒

隱年三十八

嚴襲位

岐王聚兵臨蜀東鄙蜀主謂

羣臣曰自茂貞為朱溫所困吾常振其乏絕

事並見前

紀

今乃負恩為寇誰為吾擊之

誰為于偽翔

兼中書令

王宗侃請行蜀主以宗侃為北路行營都統司天

少監趙溫珪諫曰茂貞未犯邊諸將貪功深入糧

道阻遠恐非國家之利蜀主不聽

少詩照翻將即亮翻

以兼

侍中王宗祐太子少師王宗賀山南節度使唐道

襲為三招討使

三路進兵以伐岐各路置一招討使王宗侃都統三招討之兵

左金

吾大將軍王宗紹為宗祐之副帥步騎十二萬伐岐

帥讀

曰率下同

壬辰宗侃等發成都旌旗數百里 岐王募華原

賊帥溫韜以為假子以華原為耀州美原為鼎州

宋廢鼎州

復為美原縣屬耀州宋白曰華原縣本漢役相縣地曹魏以來置北地郡元魏廢帝三年置通川郡泥陽縣隋開皇六年改泥陽為華原美原縣本秦漢頻陽縣符秦置土門護軍後周置土門縣唐咸亨二年改為美原九域志耀州在長安置義勝軍以韜為節度使使帥邠岐北一百六十里

兵寇長安詔感化節度使康懷貞忠武節度使牛存節以同華河中兵討之己酉懷貞等奏擊韜於車度走之

車度地名在長安北同州界

夏四月乙卯朔岐兵寇蜀興元唐道

襲擊却之

上以久疾五月甲申朔大赦

按歐史此下當有改元二

字

甲辰以清海留後劉巖為節度使

考異曰十國紀年甲辰太祖

授陟清海節度使陟復名巖按薛史僭偽傳云前偽漢劉陟胡賓王劉氏興亡錄高祖巖皇考葬段氏得石版有篆文曰隱台巖因名其三子是先名巖後名陟也吳越備史乾化四年廣帥彭城巖遣陳用拙來使吳錄天祐十四年南漢王劉巖自立為漢唐烈祖實錄天祐十四年劉陟僭位改名巖太祖實錄乾化元年五月以清海節度副使劉陟為節度使二年四月以韋箴為潭廣和叶使云廣守淪謝其母弟巖為軍情所戴七月友珪加劉巖檢校太傅薛史梁末帝紀貞明五年九月削奪廣州節度使劉巖官爵吳越備史載制詞亦云彭城巖

蓋嗣節度使後復名巖也惟莊宗實錄同光三年二月
廣南劉陟遣何詞來使莊宗列傳自嗣立至建號皆云
劉陟衆說不同未知孰是今以
其首尾名巖故但稱劉巖云
巖多延中國士人置於

幕府出為刺史刺史無武人
蜀主如利州命太子監

國監古
銜翻六月癸丑朔至利州欲親
繼伐岐之師燕王守光

嘗衣赭袍衣於既
蓋唐世天子之服顧謂將吏曰今天下大亂

英雄角逐吾兵彊地險亦欲自帝何如孫鶴曰今內難

新平謂新平
發于孫鶴難乃旦翻公私困竭太原窺吾西契

丹伺吾北伺相
利翻遽謀自帝未見其可大王但養士愛民

訓兵積穀德政既修四方自服矣守光不悅又使人諷

鎮定求尊已為尚父趙王鎔以告晉王晉王怒欲伐之

諸將皆曰是為惡極矣行當族滅不若陽為推尊以稔

之稔其惡也乃與鎔及義武王處直昭義李嗣昭振武周德

威天德宋瑤六節度使

五鎮并河東為六然自昭義以下皆屬河東

共奉冊

推守光為尚書令尚父守光不寤以為六鎮實畏已益

驕乃具表其狀曰晉王等推臣臣荷陛下厚恩

荷下可翻未

之敢受竊思其宜不若陛下授臣河北都統則并鎮不

足平矣

并謂晉王鎮謂趙王鎔

上亦知其狂愚乃以守光為河北

道採訪使

唐之盛時置十道採訪使河北其一也自安史亂後不復除授

遣閭門使王

瞳受旨史彥羣冊命之

受旨蓋崇政院官屬猶樞密院承旨也梁避廟諱改承為受

守光命僚屬草尚父採訪使受冊儀乙卯僚屬取唐冊

太尉儀獻之守光視之問何得無郊天改元之事對曰

尚父雖貴人臣也安有郊天改元者乎守光怒投之於

地曰我地方二千里帶甲三十萬直作河北天子誰能

禁我尚父何足為哉命趣具即帝位之儀

趣讀曰促

械繫瞳

彥羣及諸道使者於獄既而皆釋之

考異曰莊宗列傳劉守光傳云朱

溫命偽閭門使王曠供奉官史彥章等使燕冊守光為河北道採訪使六月汴使至守光令所司定尚父採訪使儀注取二十四日受冊朱溫傳亦云史彥章莊宗實錄作史彥璋編遺錄薛史皆作史彥羣今從之又莊宗實錄三月己丑鎮州遣押牙劉光業至言劉守光凶淫縱毒欲自尊大請稔其惡以咎之推為尚父乙未上至晉陽宮召張承業諸將等議討燕之謀諸將亦云宜稔其禍上令押衙戴漢超持墨制及六鎮書如幽州其辭曰天祐八年三月二十七日天德軍節度使宋瑤振武節度使周德威昭義節度使李嗣昭易定節度使王處直鎮州節度使王鎔河東節度使尚書令晉王謹奉丹進盧龍橫海等軍節度使檢校太師兼中書令燕王為尚書令尚父五月六鎮使至汴使亦集六月守光令有司定尚父採訪使儀則梁太祖實錄都不言守光事惟編

遺錄云三月壬辰差閤門使王曠受旨史彥羣齎國禮賜幽州劉守光甲午守光連上表章率以鎮定既與河東結讐兼同差使請當道却行天祐年號事守光尋捉王曠史彥羣上下一行並囚禁數日後放出按莊宗實錄及南唐烈祖實錄皆云三月辛亥晉王遣戴漢超推守光為尚父辛亥三月二十七日也壬辰乃三月初八日王曠等安得已在幽州甲午乃三月十日守光安得上表云六鎮推臣為尚父編遺月日多差錯今不取

帝命楊師厚將兵三萬屯邢州

欲攻趙也

蜀諸將擊岐

兵屢破之秋七月蜀主西還留御營使昌王宗鑑屯利

州

鐵火外翻

辛丑帝避暑於張宗奭第

開平元年張全義賜名宗奭見上卷

按薛史張宗奭私第在洛陽會節坊

亂其婦女殆徧宗奭子繼祚不勝憤

恥勝音升

欲弑之宗奭止之曰吾家頃在河陽為李罕之

所圍

見二百五十七卷唐僖宗文德元年

啗木屑以度朝夕

啗徒監翻

賴其救

我得有今日此恩不可忘也乃止甲辰還宮

趙王鎔

以楊師厚在邢州甚懼

九域志邢州北至趙州一百四十里耳兵臨其境故甚懼

會晉王於承天軍晉王謂鎔父友也事之甚恭

鎔先與晉王克

用比肩事唐且通好

鎔以梁寇為憂晉王曰朱溫之惡極矣天將

誅之雖有師厚輩不能救也脫有侵軼

軼徒結翻

僕自帥眾

當之

帥讀日率

叔父勿以為憂鎔奉卮為壽謂晉王為四十

六舅

晉王第四十六

鎔幼子昭誨從行晉王斷衿為盟許妻以

女

斷都管翻衿音今妻七細翻

由是晉趙之交遂固

八月庚申蜀

主至成都

自利州還

燕王守光將稱帝將佐多竊議以為

不可守光乃置斧質於庭

質樞也

曰敢諫者斬孫鶴曰滄

州之破鶴分當死蒙王生全

事見上卷開平四年分扶問翻劉守光囚父殺兄幽

滄之人義不與共戴天可也孫鶴受劉守文委任不能以死殉之乃銜守光生全之恩忠諫而死是可以死而

不能死可以無死而死也以至今日今日敢愛死而忘恩乎竊以為

今日之帝未可也守光怒伏諸質上令軍士弔而噉之

乃古瓦翻
歌徒濫翻

鶴呼曰不出百日大兵當至守光命以土室

其口寸斬之

呼火故翻

甲子守光即皇帝位國號大燕改元

應天以梁使王瞳為左相盧龍判官齊涉為右相史彥

羣為御史大夫

考異曰編遺錄云御史臺副使今從莊宗實錄

受冊之日契

丹陷平州燕人驚擾

宋白曰平州舜十二州為營州之境周官職方在幽州之地春秋為

山戎孤竹白狄肥子二國地漢為肥如石城之地唐武德初置平州於盧龍

岐王使劉知

俊李繼崇將兵擊蜀乙亥王宗侃王宗賀唐道襲王宗

紹與之戰於青泥嶺

青泥嶺在興州長舉縣西北五十里懸崖萬仞上多雲雨行者多途

泥淖蜀兵大敗馬步使王宗浩奔興州溺死於江

嘉陵江也

襲奔興元先是步軍都指揮使王宗綰城西縣號安遠

軍

九域志西縣在興元府西一百里

宗侃宗賀等收散兵走保之知俊

繼宗追圍之衆議欲弃興元道襲曰無興元則無安遠

利州遂為敵境矣

九域志興元西至西縣百里西縣抵利州界四十五里自界首至利州二

百六十

吾必以死守之蜀主以昌王宗鑑為應援招討

使定戎團練使王宗播為四招討馬步都指揮使

蜀主先已

遣三招討使伐岐今又以王宗鐵為應援招討使是為四招討

將兵救安遠軍壁於廉

讓之間

廉水出大巴山北谷中讓水其源起於廉水溉田之餘東南流至古廉水城之側二水在南鄭

縣東南杜佑曰綿州昌明縣有廉水讓水宋白續通典縣有清廉鄉讓水鄉

與唐道襲合擊

岐兵大破之於明珠曲明日又戰於鳧口斬其成州刺

史李彥琛 九月帝疾稍愈聞晉趙謀入寇自將拒之

戊戌以張宗奭為西都留守庚子帝發洛陽甲辰至衛

州方食軍前奏晉軍已出井陘

陘音刑

帝遽命輦北趣邢

洺晝夜倍道兼行丙午至相州

九域志衛州北至相州一百二十五里自相州

又北則趣邢洺趣七喻翻

聞晉兵不出乃止相州刺史李思安不意

帝猝至落然無具坐削官爵 湖州刺史錢鏐酖酒殺

人

鏐甫招翻
酖吁旬翻

恐吳越王鏐罪之冬十月辛亥朔殺都監

潘長推官鍾安德奔于吳 晉王聞燕王守光稱帝大

笑曰俟彼卜年吾當問其鼎矣

以周成王卜年楚子問鼎之事戲笑守光張

承業請遣使致賀以驕之

使疏吏翻下
通使之使同

晉王遣太原少

尹李承勲往承勲至幽州用鄰藩通使之禮燕之典客

者曰吾王帝矣公當稱臣庭見

見賢
遍翻

承勲曰吾受命於

唐朝為太原少尹

朝直
遙翻

燕王自可臣其境內豈可臣它

國之使乎守光怒囚之數日出而問之曰臣我乎承勲
曰燕王能臣我王則我請為臣不然有死而已守光竟
不能屈 蜀主如利州

聞王宗侃為岐所敗故復如利州以為繼援

命太子

監國決雲軍虞候王琮敗岐兵

敗補邁翻

執其將李彥太俘

斬三千五百級乙卯捉生將彭君集破岐二寨俘斬三

千級王宗侃遣裨將林思諤自中巴間行至泥溪

巴州在三

巴之中謂之中巴興元之南有大行路迤孤雲兩角過
米倉山則至巴州按後唐伐蜀還魏王繼岌與李紹琛

軍行次舍泥溪當在劍州北利州界

見蜀主告急蜀主命開道都指揮使

王宗弼將兵救安遠及劉知俊戰于斜谷破之

斜余遮
翻谷余

王翻

甲寅夜帝發相州乙卯至洹水是夜邊吏言晉趙

兵南下帝即時進軍丙辰至魏縣

洹水在魏州之西成
安縣界九域志魏州

成安縣有洹水鎮成安縣在州西三
十五里魏縣在魏州西三十五里

或告云沙陀至矣

士卒恟懼多逃亡嚴刑不能禁既而復告云無寇上下

始定

敗兵之氣沒世不復此
之謂也而復扶又翻

戊午貝州奏晉兵寇東武

尋引去帝以夾寨柏鄉屢失利

夾寨之敗見二百六十
六卷開平二年柏鄉之

敗見上故力疾北巡思一雪其耻意鬱鬱多躁忿功臣

宿將往往以小過被誅衆心益懼

薛史本紀帝至相州左龍驤都教練使鄧

季筠魏博馬軍都指揮使何令稠右廂馬軍都指揮使陳令勳以部下馬瘦並腰斬于軍門次魏縣先鋒指揮

使黃文靖伏誅既而晉趙兵竟不出帝以忿兵輕行求雪再敗之耻使其果與晉趙遇亦

必敗矣十一月壬午帝南還燕主守光集將吏謀攻易

定幽州叅軍景城馮道以為未可

景城縣屬瀛州漢舊縣名

守光怒

繫獄或救之得免道亡奔晉張承業薦於晉王以為掌

書記

馮道自與歷事唐晉漢周位極人臣不聞諫爭豈懲諫守光之禍邪

丁亥王處直告

難于晉

難乃旦翻

懷州刺史開封段明遠妹為美人戊子

帝至獲嘉

九域志獲嘉縣在懷州東北一百五十里

明遠饋獻豐備帝悅

段明

遠後改名凝階此寵任位為上將梁遂以亡

庚寅保塞節度使高萬興奏

遣都指揮使高萬金將兵攻鹽州刺史高行存降

按考異曰

實錄開平三年六月丁未靈武韓遜奏收復鹽州擒偽刺史李繼直已下六十二人至此年降高行存下云鹽

州與吐蕃党項犬牙相接為二境咽喉之地又烏池鹽醴之利戎羌意未嘗息唐建中初為吐蕃所陷砥其壙而去由是銀夏寧延洎于靈武歲以河南山東淮南青徐江浙等道兵士不啻四萬分護其地謂之防秋貞元九年朝政稍暇乃命副元帥渾瑊總兵三萬復取其地建百雉焉自是虜塵乃息邊患遂止唐代革命又復失之今纔動偏師遽收襟要國之右臂瘡痍其息哉李茂貞養子多連繼字開平三年所收似屬鳳翔今又收復

云唐革命失之前後必一誤
或者開平既得又失之也

壬辰帝至洛陽疾復作

復扶
又翻

蜀王宗弼敗岐兵於金牛

敗補邁
翻下同

拔十六寨俘

斬六千餘級擒其將郭存等丙申王宗鑑王宗播敗岐

兵於黃牛川擒其將蘇厚等丁酉蜀主自利州如興元

援軍既集安遠軍望其旗

旗謂蜀主
之旗也

王宗侃等鼓譟而

出與援軍夾攻岐兵大破之拔二十一寨斬其將李廷

志等己亥岐兵解圍遁去

解安遠之
圍而遁

唐道襲先伏兵於

斜谷邀擊又破之庚子蜀主西還

岐兵既敗
走遂還

岐王左右

石簡顥諛劉知俊於岐王

顥魚容翻

王奪其兵李繼崇言於

王曰知俊壯士窮來歸我不宜以讒廢之王為之誅簡

顥以安之

為于偽翻

繼崇召知俊舉族居于秦州

李繼崇時鎮秦州繼

崇尋不能守秦州劉知俊由此亦降于蜀

戊申燕主守光將兵二萬寇易

定攻容城

容城漢縣名唐屬易州宋屬雄州

王處直告急于晉 十二

月乙卯以朗州留後馬竇為永順節度使同平章事

竇祖

宗翻馬殷之弟也

鎮南留後盧延昌遊獵無度百勝軍指揮

使黎球殺之自立將殺譚全播全播稱疾請老乃免丙

辰以球為虔州防禦使未幾球卒

幾居宣翊

牙將李彥圖代

知州事全播愈稱疾篤劉巖聞全播病發兵攻韶州破

之刺史廖爽奔楚

唐天復二年虔人取韶州至是復為劉氏廖力救翻

楚王殷表

為永州刺史

丁巳蜀主至成都

自興元還至成都

戊午以

靜海留後曲美為節度使

癸亥以靜江行軍司馬姚

彥章為寧遠節度副使權知容州從楚王殷之請也劉

巖遣兵攻容州殷遣都指揮使許德勲以桂州兵救之

彥章不能守乃遷容州士民及其府藏奔長沙巖遂取

容管及高州

藏祖浪翻開平四年楚取容管及高州至是并之

甲子晉王遣

蕃漢馬步總管周德威將兵三萬攻燕以救易定是

歲蜀主以內樞密使潘炕為武泰節度使

唐置武泰軍於黔州

炕

從弟宣徽南院使峭為內樞密使

從才用翻峭七肖翻

二年春正月德威東出飛狐

自代州出飛狐宋白曰飛狐縣漢代郡地曹魏封樂

進于廣昌侯國後周於五龍城置廣昌縣隋改飛狐縣因縣北飛狐口為名

與趙王將王德

明義武將程巖會于易水

趙王王鎔義武王處直

丙戌三鎮兵進

攻燕祁溝關下之

三鎮并鎮定祁溝關在涿州南易州巨馬河之北自關而西至易州六十

里距馬河東至新城縣四十里

戊子圍涿州

宋白曰涿州古涿鹿地漢高帝置涿郡魏改范陽郡

取漢涿縣在范水之陽為名唐大歷四年立涿州南至莫州一百六十里東北至幽州一百二十里

刺史

劉知溫城守

守手又翻

劉守奇之客劉去非大呼於城下

呼火

故翻謂知溫曰河東小劉郎來為父討賊

為于偽翻

何豫汝事

而堅守邪守奇免胄勞之

劉守奇奔晉見二百六十卷開平元年勞力到翻

知

溫拜於城上遂降周德威疾守奇之功諧諸晉王

此周德威

之禍也降戶江翻

王召之守奇恐獲罪與去非及進士趙鳳來

奔上以守奇為博州刺史去非鳳皆幽州人也先是燕

主守光籍境內丁壯悉文面為兵雖士人不免鳳詐為

僧奔晉守奇客之

先悉薦翻

丁酉德威至幽州城下守光來

求救二月帝疾小愈議自將擊鎮定以救之帝聞岐

蜀相攻辛酉遣光祿卿盧玘等使于蜀遺蜀主書

玘蒲眠翻

遺唯季翻

呼之為兄

帝與蜀主偕起於細微者也蜀兵疆地險帝自度力不能制故用敵國禮呼之

為兄甲子帝發洛陽從官以帝誅戮無常多憚行帝聞

之益怒是日至白馬頓賜從官食多未至遣騎趣之于

路

從才用翻趣讀曰促

左散騎常侍孫騰右諫議大夫張行兵部

郎中張雋最後至帝命撲殺之

隱職日翻撲弼角翻考異曰梁祖實錄云賜

自盡今從莊宗實錄

衍宗奭之姪也丙寅帝至武陟

九域志武陟縣在懷州東

八十

段明遠供饋有加於前丁卯至獲嘉帝追思李思

安去歲供饋有闕貶柳州司戶告辭稱明遠之能曰觀

明遠之忠勤如此見思安之悖慢何如尋長流思安於

崖州賜死

時遠貶者悉賜死柳州遠踰嶺嶠崖州再涉鯨波思安寧得至邪

明遠後更

名凝

衡工翻

乙亥帝至魏州命都招討使宣義節度使楊

師厚副使前河陽節度使李周彝圍棗彊招討應接使

平盧節度使賀德倫副使天平留後袁象先圍脩縣

九域

志裴強縣在鎮州東南五十五里脩縣在冀州東北一百五十里宋白曰脩縣即漢條侯國隋開皇五年改條

縣為脩縣脩音條

德倫河西胡人象先下邑人也戊寅帝至貝

州辰州蠻酋宋鄴昌師益皆帥衆降于楚

首慈由翻帥讀曰率

楚王殷以鄴為辰州刺史師益為淑州刺史

淑音叙

帝

晝夜兼行三月辛巳至下博南登觀津冢

漢觀津縣古城東南有青

山即漢文帝竇后父少消冢也消是縣人遭秦之亂漁釣隱身墜淵而死景帝立后遣使者填以葬父起大墳

於觀津城東南縣民謂之竇氏青山

趙將苻習引數百騎巡邏不知是帝

遽前逼之或告曰晉兵大至矣帝弃行幄亟引兵趣棗

彊與楊師厚軍合

邈卽佐翻自下博至棗強六十餘里趣七喻翻

習趙州人也

棗彊城小而堅趙人聚精兵數千人守之師厚急攻之

數日不下城壞復修死傷者以萬數

此言攻城之卒死傷者也

城中

矢石將竭謀出降有一卒奮曰賊自柏鄉喪敗已來視

我鎮人裂背

喪息浪翻背疾智翻

今往歸之如自投虎狼之口耳

困窮如此何用身為我請獨往試之夜縋城出詣梁軍

詐降

純馳偽翻

李周彝召問城中之備對曰非半月未易下

也易以因謀曰謀當某既歸命願得一劔効死先登取

守城將首

將即

周彝不許使荷檐從軍卒得間舉檐擊

周彝首踣地左右救至得免

荷下可翻又如字檐都濫

考異曰莊宗實錄頃之周彝晝寢左右未至其人抽檐擊周彝首踣于地求兵仗不獲周彝大呼左右救至獲

免卒晚周彝曰吾比欲剗刃於朱溫之腹非圖爾也誤矣編遺錄云時有一百姓來投軍中李周彝收于部伍

間謂周彝曰請賜一劔願先登以破其牆未許間忽然抽茶檐子揮擊周彝頭上中檐幾仆于地左右擒之先

是棗強邑中遣來詐降本意欲窺筭招討使楊師厚斯人不能辨乃誤中周彝按此卒從周彝請劔周彝不許

而令負檐豈不知周彝非溫也又帝王與將相居處侍衛不同豈容不識而誤中之若本欲殺楊師厚則似近

之今既可
疑皆不取帝聞之愈怒命師厚晝夜急攻丙戌拔之無

問老幼皆殺之流血盈城初帝引兵度河聲言五十萬

晉忻州刺史李存審屯趙州患兵少裨將趙行實請入

土門避之存審不可
入土門則退
歸晉陽矣及賀德倫攻脩縣存

審謂史建瑋李嗣肱曰吾王方有事幽薊無兵此來南

方之事委吾輩數人今脩縣方急吾輩安得坐而視之

使賊得脩縣必西侵深冀患益深矣當與公等以奇計

破之存審乃引兵扼下博橋
漳水逕下博縣蓋
跨漳水為橋也使建瑋

嗣肱分道擒生建塘分其麾下為五隊隊各百人一之

衡水一之南宮一之信都

信都漢古縣唐帶冀州蓋其治所雖在郭下而所管地界

則環冀州近郊皆是也

一之阜城自將一隊深入與嗣肱遇梁軍

之樵芻者皆執之獲數百人明日會于下博橋皆殺之

留數人斷臂縱去曰為我語朱公晉王大軍至矣

斷音短為

于偽翻語
牛倨翻

時脩縣未下帝引楊師厚兵五萬就賀德倫

共攻之丁亥始至縣西未及置營建塘嗣肱各將三百

騎効梁軍旗幟服色與樵芻者雜行

幟昌志翻

日且暮至德

倫營門殺門者縱火大譟弓矢亂發左右馳突既暝各

斬馘執俘而去營中大擾不知所為斷臂者復來曰晉

軍大至矣

復扶又翻

帝大駭燒營夜遁

以朱溫之夜濟之以楊師厚使遇它敵猶

在亂而能整今史建瑋等以奇兵撓之遂相與狼狽至于散遁不能復振者主將上下先有畏晉之心故也

迷失道委曲行百五十里戊子旦乃至冀州脩之耕者

皆荷鉏奮挺逐之委弃軍資器械不可勝計

棧徒鼎翻勝音升

既而復遣騎覘之

覘丑廉翻又丑艷翻

曰晉軍實未來此乃史先

鋒遊騎耳

晉王以史建瑋為先鋒指揮使故稱之

帝不勝慙憤

親御六軍見敵之遊

兵而遁故慙師屢出而屢敗
故憤不能自勝言其甚也

由是病增劇不能乘肩輿

留貝州旬餘諸軍始集

潰散之甚
久而後集

義昌節度使劉繼

威年少淫虐類其父

劉繼威
父守光

淫於都指揮使張萬進家

萬進怒殺之詰旦召大將周知裕告其故萬進自稱留

後以知裕為左都押牙庚子遣使奉表請降亦遣使降

于晉晉王命周德威安撫之知裕心不自安遂來奔帝

為之置歸化軍

為于
偽翻

以知裕為指揮使凡軍士自河朔

來者皆隸之辛丑以萬進為義昌留後甲辰改義昌為

順化軍以萬進為節度使

為楊師厚劫徙張萬進張本

乙巳帝發

貝州丁未至魏州

貝州南至魏州二百一十里

戊申周德威遣裨

將李存暉等攻瓦橋關

九域志瓦橋關在涿州南一百二十里

其將吏及

莫州刺史李嚴皆降嚴幽州人也涉獵書傳

傳直憲翻

晉王

使傳其子繼岌嚴固辭晉王怒將斬之教練使孟知祥

徒跣入諫曰彊敵未滅大王豈宜以一怒戮嚮義之士

乎

言非所以招懷燕人

乃免之知祥遷之弟子

孟遷以邢州降晉又背晉以邢州降

梁者也孟知祥始此

李克讓之壻也

李克讓晉王克用之弟

吳鎮南節度

使劉威歙州觀察使陶雅宣州觀察使李遇常州刺史

李簡皆武忠王舊將有大功

楊行密謚武忠王

以徐溫自牙將

秉政

徐溫自右牙指揮使秉政見二百六十六卷開平元年

內不能平李遇尤甚

常言徐溫何人吾未嘗識面一旦乃當國邪館驛使徐

玠使於吳越道過宣州溫使玠說遇入見新王

說式芮翻見賢

遍翻遇初許之玠曰公不爾

不爾猶言不如此也

人謂公反遇怒曰

君言遇反殺侍中者非反邪侍中謂威王也

楊渥謚威王李遇斥

言徐溫殺之

溫怒以淮南節度副使王檀為宣州制置使

檀王

恐當作
王壇

數遇不入朝之罪

數所具翻朝
直遙翻下同

遣都指揮使柴

再用帥昇潤池歛兵納檀于宣州

帥讀
曰率

昇州副使徐知

誥為之副遇不受代再用攻宣州踰月不克 夏四月

癸丑以楚王殷為武安武昌靜江寧遠節度使洪鄂四

面行營都統

欲使攻楊氏
之洪鄂也

乙卯博王友文來朝

來朝
於魏

州行
官

請帝還東都丁巳發魏州已未至黎陽以疾淹留

乙丑至滑州

黎陽至滑州隔大河耳
今滑州古城已淪於河

維州羌胡董琢

反蜀主遣保鑾軍使趙綽討平之 己巳帝至大梁

帝聞嶺南與楚相攻甲戌以右散騎常侍韋戩等為潭

廣和叶使

戩子
淺翻

往解之

戊寅帝發大梁

周德威白

晉王以兵少不足攻城

言幽州城大而固
非兵少所能攻

晉王遣李存

審將吐谷渾契苾騎兵會之

契苾
訖翻

李嗣源攻瀛州刺史

趙敬降 五月甲申帝至洛陽疾甚

司空門下侍郎

同平章事薛貽矩卒

燕主守光遣其將單廷珪將精

兵萬人出戰與周德威遇於龍頭岡

龍頭岡在幽州城
東南 考異曰莊

宗實錄作羊頭岡今從莊宗列傳莊宗實錄四月己卯
朔周德威擒單廷珪進軍大城莊宗薛史及莊宗列傳

周德威傳云五月七日擒廷珪十二日次大城今從之

廷珪曰今日必擒周楊五

以獻楊五者德威小名也既戰見德威於陳

陳讀日陣

援槍

單騎逐之

援于元翻

槍及德威背德威側身避之奮槓反擊

廷珪墜馬

單廷珪之馬方疾馳勢不得止周德威側身避其鋒馬差過前則德威已在槍裏奮槓擊

廷珪廷珪安所避之此其所以墜馬也格鬪之勢刀不如棒謂此也

生擒置於軍門燕兵

退走德威引騎乘之燕兵大敗斬首三千級廷珪燕驍

將也燕人失之奪氣

已丑蜀大赦

李遇少子為淮

南牙將遇最愛之徐溫執之至宣州城下示之其子啼

號求生

少詩照翻號戶高翻

遇由是不忍戰

舉大事者不顧家李遇既與徐溫為敵乃

顧一子邪

溫使典客何羗入城以吳王命說之

羗如招翻說式芮翻

曰

公本志果反請斬羗以徇不然隨羗納款遇乃開門請

降溫使柴再用斬之夷其族於是諸將始畏溫莫敢違

其命

諸將謂劉威陶雅輩

徐知誥以功遷昇州刺史知誥事溫甚

謹安於勞辱或通夕不解帶溫以是特愛之每謂諸子

曰汝輩事我能如知誥乎

徐溫以善事楊行密而竊吳國之權徐知誥以善事徐溫

而竊徐氏之權天邪人邪

時諸州長吏多武夫專以軍旅為務不恤

民事知誥在昇州獨選用廉吏修明政教招延四方士

大夫傾家貲無所愛洪州進士宋齊丘好縱橫之術呼好

到翻縱子容翻謁知誥知誥奇之辟為推官與判官王令謀參

軍王翊專主謀議翊乎以牙吏馬仁裕周宗曹棕為腹

心棕祖仁裕彭城人宗漣水人也為知誥纂閏月壬

戌帝疾增甚謂近臣曰我經營天下三十年帝以唐僖

年鎮宣武創業之始不意太原餘孽更昌熾如此謂晉

也至是年三十一年也孽吾觀其志不小天復奪我年復扶又我死諸兒非

魚列

翻下同

彼敵也吾無葬地矣因哽咽

哽古杏翻

絕而復蘇

氣絕而復息為蘇

高季昌潛有據荆南之志乃奏築江陵外郭增廣之

丙寅蜀門下侍郎同平章事王錯罷為兵部尚書

錯口

駁翻

帝長子郴王友裕早卒

郴丑林翻

次假子博王友文

友文

本姓康名勤

帝特愛之常留守東都兼建昌宮使

帝以大梁舊第為建

昌宮次郢王友珪其母亳州營倡也

倡音昌薛史友珪小字遙喜母失其姓本

亳州營妓也唐光啟中帝徇地亳州召而侍寢月餘將捨之而去以娠告是時元貞張后賢而有寵帝素憚之

由是不果攜歸大梁因留亳州以別宅貯之及期妓以生男來告帝喜故字之曰遙喜後迎歸汴

為左

右控鶴都指揮使次均王友貞為東都馬步都指揮使

初元貞張皇后嚴整多智帝敬憚之后殂

張后殂于唐昭宗天祐元

年

帝縱意聲色諸子雖在外常徵其婦入侍帝往往亂

之友文婦王氏色美帝尤寵之雖未以友文為太子帝

意常屬之

屬之欲翻

友珪心不平友珪嘗有過帝撻之友珪

益不自安帝疾甚命王氏召友文于東都欲與之訣且
付以後事友珪婦張氏亦朝夕侍帝側知之密告友珪
曰大家以傳國寶付王氏懷往東都吾屬死無日矣夫

婦相泣左右或說之曰事急計生何不改圖時不可失

古人有言曰淫而不父必有子禍豈不信哉說式芮翻

六月丁丑朔帝命敬翔出

友珪為萊州刺史即令之官已宣旨未行勅

敬翔時為宣政使故

使之行勅翔佐帝有年矣軍國大謀無不預隨事彌縫轉帝尤暴之氣以成功亦不為小寢疾彌留而出友珪於外使翔能為之謀則必有以處友珪而帝免剗刃之禍顛而不扶焉用彼相哉時左遷者多

追賜死友珪益恐戊寅友珪易服微行入左龍虎軍見

統軍韓勅以情告之勅亦見功臣宿將多以小過被誅

懼不自保遂相與合謀

臣子俱逞亦上之人有致之也被皮義翻

勅以牙

兵五百人從友珪雜控鶴士入伏于禁中

梁以侍衛親軍為控鶴軍

中夜斬關入至寢殿侍疾者皆散走帝驚起問反者為

誰友珪曰非它人也帝曰我固疑此賊恨不早殺之汝

悖逆如此天地豈容汝乎

悖蒲內翻又蒲沒翻

友珪曰老賊萬段

友珪僕夫馮廷諤刺帝腹刃出于背

刺七亦翻

友珪自以敗

氈裹之瘞于寢殿

年六十一瘞於計翻

祕不發喪遣供奉官丁昭

溥馳詣東都命均王友貞殺友文已卯矯詔稱博王友

文謀逆遣兵突入殿中賴郢王友珪忠孝將兵誅之保

全朕躬然疾因震驚彌致危殆宜令友珪權主軍國之

務韓勅為友珪謀

偽為于翻

多出府庫金帛賜諸軍及百官

以取悅辛巳丁昭溥還

還從宣翻

聞友文已死乃發喪宣遺

制友珪即皇帝位時朝廷新有內難中外人情怵怵

乃難

旦翻怵許勇翻

許州軍士更相告變匡國節度使韓建皆不之

省亦不為備

更工衡翻省悉景翻史言韓建死期將至

丙申馬步都指揮使

張厚作亂殺建

考異曰莊宗實錄九月建遇害今從薛史

友珪不敢詰

詰去

吉翻甲辰以厚為陳州刺史

秋七月丁未大赦

天雄

節度使羅周翰幼弱軍府事皆決於牙內都指揮使潘

晏北面都招討使宣義節度使楊師厚軍於魏州久欲

圖之憚太祖威嚴不敢發至是師厚館於銅臺驛

因銅臺

以名驛然銅雀臺在鄴不在魏州

潘晏入謁執而殺之引兵入牙城據

位視事壬子制以師厚為天雄節度使

按考異曰梁功臣列傳楊師厚

傳云太祖初弃天下郡府乘間為亂甚衆魏之衙內都指揮使潘晏與大將臧廷範趙訓將謀反變有密告者

師厚布兵擒捕斬之七月除魏博節度使薛史師厚傳畧同今從莊宗列傳朱友珪傳及莊宗實錄

徙周

翰為宣義節度使

唐僖宗文德元年羅宏信得魏博傳子至孫而亡

以侍衛

諸軍使韓勅領匡國節度使

韓勅以同逆領節

甲寅加吳越

王鏐尚父

甲子以均王友貞為開封尹東都留守

蜀太子元坦更名元膺

宗懿更名元坦見上卷開平四年按歐史蜀主建時得銅牌子

於什仿縣有文二十餘字建以為符識因取之以名諸子故又更名元膺更工衡翻

丙寅廢建

昌宮使以河南尹張宗奭為國計使凡天下金穀舊隸

建昌宮者悉主之

梁祖受禪以博王友文領建昌宮使專領金穀友珪既殺友文故廢之而

置國計使

八月龍驤軍三千人戍懷州者

戍懷州所以備晉人自上黨下

太行以

潰亂東走所過剽掠

剽匹妙翻列傳友珪傳云重霸據懷

考異曰莊宗

州為亂壯健者團結於鞏村將為朱溫雪恥明宗實錄
杜晏球傳云龍驤軍作亂欲入京城已至河陽今按梁
祖實錄戊子鄭州奏稱懷州屯駐龍驤騎軍潰散十一
日夜至州南十五里鞏村安下及五鼓分隊逃逸安得
據懷州及至
河陽事也 戊子遣東京馬步軍都指揮使霍彥威左

耀武指揮使杜晏球討之庚寅擊破亂軍執其都將劉

重遇於鄆陵甲午斬之

為友貞以龍驤軍起義誅友珪張本

郢王友珪

既篡立諸宿將多憤怒雖曲加恩禮終不悅告哀使至

河中護國節度使冀王朱友謙泣曰先帝數十年開創

基業前日變起宮掖聲聞甚惡

聞音問

吾備位藩鎮心竊

恥之

朱友謙本陝州牙將朱簡也唐末附朱溫賜名友謙列於諸子故因此聲友珪弑逆之罪律以古法

臣弑君子弑父凡在官者殺無赦則友珪之罪凡為梁之臣子者皆得而誅之也

友珪加友謙

侍中中書令以詔書自辨且徵之友謙謂使者曰所立者為誰先帝晏駕不以理吾且至洛陽問罪何以徵為
戊戌以侍衛諸軍使韓勅為西面行營招討使督諸軍
討之友謙以河中附於晉以求救九月丁未以感化節
度使康懷貞為河中都招討使更以韓勅副之 友珪
以兵部尚書知崇政院事敬翔太祖腹心恐其不利於

已欲解其內職

內職謂知崇政院事

恐失人望庚午以翔為中書

侍郎同平章事壬申以戶部尚書李振充崇政院使翔

多稱疾不預事

敬翔李振於此時皆先朝佐命功臣也李振代敬翔領崇政院使則振與友珪

同惡敬翔雖稱疾不預事若律之以古人在與在主亡與亡之法亦不免於死

康懷貞等

與忠武節度使牛存節合兵五萬屯河中城西攻之甚

急晉王遣其將李存審李嗣肱李嗣恩將兵救之敗梁

兵于胡壁

敬補邁翻

嗣恩本駱氏子也

歐史義兒傳嗣恩本姓駱吐谷渾部人

吳武忠王之疾病也周隱請召劉威

事見二百六十五卷唐天祐二

年威由是為帥府所忌

帥府謂廣陵帥府帥所類翻

或諧之於徐溫

溫將討之威幕客黃訥說威曰

說式芮翻

公受謗雖深反本

無狀若輕舟入覲則嫌疑皆亡矣威從之陶雅聞李遇

敗亦懼與威偕詣廣陵溫待之甚恭如事武忠王之禮

優加官爵雅等悅服由是人皆重溫訥蘇州人也溫與

威雅帥將吏請於李儼承制加嗣吳王隆演太師吳王

隆演之嗣吳王李茂貞承制所加也楊行密因李儼以
來使尊之承制徐溫等因其舊而請於儼帥讀曰率以

溫領鎮海節度使同平章事淮南行軍司馬如故溫遣

威雅還鎮

劉威鎮洪州陶雅鎮歙州徐溫事威雅如事楊行密貴而不敢忘舊者能矯情為之至於

遣威雅歸鎮不特時人服之威雅亦心服矣自古以來英雄分量固自不同至於隨其分量以制一時之事則

一也善觀史者毋忽諸

辛巳蜀改劍南東川曰武德軍 朱友

謙復告急于晉

復扶又翻

冬十月晉王自將自澤潞而西

不自

太原南出汾晉將即亮翻

遇康懷貞於解縣

宋白曰解縣漢舊縣後魏改為北解縣按此

解縣在臨晉縣界隋開皇十六年於此置解縣大業二年省九年自綏化故城移虞鄉縣於廢縣理唐武德元

年改虞鄉縣為解縣仍於蒲州界別置虞鄉縣九域志解在蒲州東九十五里虞鄉在蒲州東六十里解戶賈

翻錄朱友謙傳皆云與汴軍遇於平陽大破之今從莊宗

天祐九年實錄

大破之斬首千級追至白徑嶺而還

白徑嶺在河中安邑

縣東梁兵解圍退保陝州

九域志河中南至陝州二百三十八里陝失冉翻

友謙

身自至猗氏謝晉王

九域志猗氏縣在河中府東北九十五里

從者數十人

撤武備詣晉王帳拜之為舅晉王夜置酒張樂友謙大

醉晉王留宿帳中友謙安寢鼾息自如

朱友謙以此示委心晉王無所

猜問也

明旦復置酒而罷

楊師厚既得魏博之衆

又兼都招討使宿衛勁兵多在麾下諸鎮兵皆得調發

調徒

威勢甚重心輕郢王友珪遇事往往專行不顧友

珪患之發詔召之云有北邊軍機欲與卿面議師厚將

行其腹心皆諫曰往必不測師厚曰吾知其為人雖往

如我何乃帥精兵萬餘人度河趣洛陽

帥讀曰率趣七喻翻

友珪

大懼丁亥至都門

城外郭門曰都門

留兵於外與十餘人入見

見賢遍翻

友珪喜甘言遜詞以悅之賜與巨萬癸巳遣還

十一月趙將王德明將兵三萬掠武城

武城漢之東武城縣唐屬貝州

九域志在州東五十里

至于臨清攻宗城下之癸丑楊師厚伏兵

唐店邀擊大破之斬首五千餘級

甲寅葬神武元聖

孝皇帝于宣陵

宣陵在河南伊闕縣

廟號太祖

吳淮南節度副

使陳璋等將水軍襲楚岳州執刺史苑玫

開平元年楚取岳州三年

苑玫降楚至此為淮南所執攻自江西降楚楚使之守岳州也

楚王殷遣水軍都指揮

使楊定真救岳州璋等進攻荆南高季昌遣其將倪可

福拒之吳恐楚人救荆南遣撫州刺史劉信將江撫袁

吉信五州兵屯吉州為璋聲援

屯吉州以張聲勢若將進兵攻潭衡者以牽制

楚兵十二月戊寅蜀行營都指揮使王宗汾攻岐文州

拔之守將李繼夔走

文州古陰平之地將即亮翻下同

是歲隰州都

將劉訓殺刺史以州降晉晉王以為瀛州刺史訓永和

人也

永和縣屬隰州漢狐諲縣地隋為永和縣九域志在州西一百里

虔州防禦使

李彥圖卒州人奉譚全播知州事遣使內附詔以全播

為百勝防禦使虔韶二州節度開通使

虔州先有百勝指揮今因為

軍州之號開通使者言使之開通道路南達交廣也

高季昌出兵聲言助梁伐

晉進攻襄州山南東道節度使孔勅擊敗之自是朝貢

路絕

高季昌既與孔勅交惡入梁之路遂絕不復朝貢敗補邁翻

勅兗州人也

均王上上

諱友貞太祖第三子王溥會要曰太祖第四子母曰元貞皇后張氏即位改名

瑱其後又改名鎧余按王溥云第四子者併假子溥王友文數之也

乾化三年春正月丁巳晉周德威拔燕順州

唐貞觀四年平突厥

以其部落置順祐化長四州六年以順州僑治營州南之五柳戍沈括曰幽州東北三十里有望京館東行少北十里餘出古長城又二十里至中頓又踰孫侯河行二十里至順州其北平斥土厚宜稼又東北行七十里至檀州金人疆域圖順州至燕京一百十五里匈奴須知順州南至燕京九十里其載道里遠近不同今並存之宋白曰幽州東北至順州八十里大元順州領懷柔密雲二縣屬大同府路

癸亥郢王友

珪朝享太廟

朝直遙翻

甲子祀圓丘大赦改元鳳厯

考異曰莊宗

列傳云七日實錄云庚戌友珪祀圓丘改元今從薛史

吳陳璋攻荆南不克而

還荆南兵與楚兵會於江口以邀之

江口荆江口也還音旋又如字璋

知之舟二百艘駢為一列夜過二鎮兵遽出追之不能

及

艘蘇遭翻

晉周德威拔燕安遠軍薊州將成行言等降

于晉

將即亮翻宋白曰薊州治漁陽本春秋無終子之國隋開皇初徙玄州於此煬帝廢州立漁陽郡唐

初廢郡其地屬幽州開元十八年置薊州取古薊門關以名州西至幽州二百一十里

二月壬

午蜀大赦

郢王友珪既得志遽為荒淫內外憤怒友

珪雖陷以金繒終莫之附

陷徒濫翻繒慈陵翻

駙馬都尉趙巖

之子

趙巖守陳州拒黃巢有功見唐僖宗紀

太祖之壻也

巖尚太祖女長樂公主

左

龍虎統軍侍衛親軍都指揮使袁象先太祖之甥也

袁象

先父敬初尚太祖妹萬安大長公主

巖奉使至大梁

使疏吏翻

均王友貞密與

之謀誅友珪巖曰此事成敗在招討楊令公耳

楊師厚官中書

令為北面都招討使故稱之

得其一言諭禁軍吾事立辦

時梁重兵皆在楊師

厚之手又勲名為衆所服故欲得其言諭禁軍

均王乃遣腹心馬慎交之魏州

說楊師厚曰郢王篡弒人望屬在大梁

說式尚翻屬之欲翻

公若

因而成之此不世之功也且許事成之日賜犒軍錢五

十萬緡

犒苦到翻

師厚與將佐謀之曰方郢王弒逆吾不能

即討今君臣之分已定

分扶問翻

無故改圖可乎或曰郢王

親弑君父賊也均王舉兵復讎義也奉義討賊何君臣

之有彼若一朝破賊公將何以自處乎

處昌呂翻

師厚曰吾

幾誤計

幾居依翻

乃遣其將王舜賢至洛陽陰與袁象先謀

遣招討馬步都虞候譙人朱漢賓將兵屯滑州為外應

譙漢縣唐帶亳州

趙巖歸洛陽亦與象先密定計友珪治龍驤

軍潰亂者

去年懷州龍驤軍亂治直之翻

搜捕其黨獲者族之經年不

已時龍驤軍有戍大梁者友珪徵之均王因使人激怒

其衆曰天子以懷州屯兵叛追汝輩欲盡阬之

考異
曰莊宗

列傳朱友貞傳及薛史歐陽史未帝紀云左右龍驤都
戍汴友貞偽作友珪詔追還洛下莊宗實錄云友珪疑
而召之按梁太祖實錄云丙戌東京言龍驤軍准詔追
赴西京軍情不肯進發實友珪徵之非友貞偽作但激
怒言阬之耳其衆皆懼莫知所為丙戌均王奏龍驤軍疑懼

未肯前發戊子龍驤將校見均王泣請可生之路

將即
亮翻

校戶
教翻王曰先帝與汝輩三十餘年征戰經營王業今先

帝尚為人所弑汝輩安所逃死乎因出太祖畫像示之

而泣曰汝能自趣洛陽雪讎恥

趣七
喻翻

則轉禍為福矣衆

皆踊躍呼萬歲請兵仗王給之庚寅旦袁象先等帥禁

兵數千人突入宮中

帥讀曰率

友珪聞變與妻張氏及馮廷

諤趨北垣樓下將踰城自度不免

趣七喻翻度從洛翻

令廷諤先

殺妻後殺已廷諤亦自刎

刎到古頂翻斷首也

諸軍十餘萬大掠

都市

汴兵未至洛陽禁衛諸軍已殺友珪矣

百司逃散中書侍郎同平章

事杜曉侍講學士李珣皆為亂兵所殺

珣宅鼎翻

門下侍郎

同平章事于兢宣政使李振被傷至晡乃定象先嚴齋

傳國寶詣大梁迎均王王曰大梁國家創業之地

梁祖自宣

武節度使并諸鎮

何必洛陽乃即帝位於大梁復稱乾化三年

追廢友珪為庶人復博王友文官爵 丙申晉李存暉

攻燕檀州刺史陳確以城降

匈奴須知檀州南至燕京一百六十里東南至薊州

一百九十里宋白曰檀州古白檀之地

蜀唐道襲自興元罷歸復為樞

密使太子元膺廷䟽道襲過惡

䟽分列也於朝會廷中條分列言其過惡故曰

廷䟽以為不應復典機要

又復扶翻

蜀主不悅庚子以道襲為

太子太保 三月甲辰朔晉周德威拔燕盧臺軍 丁

未帝更名鎰久之又名瑱

更工衡翻鎰戶盲翻瑱它句翻 考異曰薛史云貞明中

更名瑱諸書中皆無年
月今因名鎧終言之

庚戌加楊師厚兼中書令賜

爵鄴王賜詔不名事無巨細必咨而後行 帝遣使招

撫朱友謙友謙復稱藩奉梁年號

去年朱友謙附晉今雖復稱藩實陰附于

晉

丙辰立皇弟友敬為康王 乙丑晉將劉光濬克

古北口

檀州燕樂縣東有東軍北口二守捉北口長城口也沈括曰檀州東北五十里有金溝館自館

少東北行乍原乍隰三十餘里至中頓過頓屈折北行
峽中濟灤水通三十餘里鉤折投山隙以度所謂古北

口也匈奴須知虎北
口南至燕京三百里

燕居庸關使胡令珪等奔晉

幽州昌平

縣北十五里有軍都陁西北三十
十五里有納款關即居庸故關

戊辰以保義留後戴

思遠為節度使鎮邢州

唐昭義軍統潞澤邢洺磁五州唐末兵爭晉得潞州仍以為昭

義軍自孟方立以至于梁以邢洺磁三州為昭義軍遂有兩昭義軍今梁改邢洺磁為保義軍而以陝州之保

義軍為鎮國軍

考異曰薛史思遠傳云貞明中為邢

州留後屬張萬進殺劉繼威命思遠鎮之按萬進殺繼

威在前今

從本紀

燕主守光命大將元行欽將騎七千牧馬

於山北募山北兵以應契丹

劉守光求救于契丹故使元行欽募兵於山北以應

之又以騎將高行珪為武州刺史以為外援晉李嗣源

分兵徇山後八軍皆下之晉王以其弟存矩為新州刺

史總之

為存矩以驕情致亂張本

以燕納降軍使盧文進為裨將李

嗣源進攻武州高行珪以城降元行欽聞之引兵攻行

珪行珪使其弟行周質於晉軍以求救質音致李嗣源引

兵救之行欽解圍去嗣源與行周追至廣邊軍虢州懷戎縣北

有廣邊軍故白雲城也宋白曰廣邊軍在虢州北凡八

戰行欽力屈而降嗣源愛其驍勇養以為子考異曰莊宗實錄

行周作行溫張昭周太祖實錄云燕城危蹙甲士亡散劉守光召元行欽行欽部下諸將以守光必敗赴召無

益乃請行欽為燕帥稱留後行欽無如之何乃謂諸將曰我為帥亦須歸幽州衆然之行欽以行珪在武州慮

為後患乃令人於懷戎掠得其子繫之自隨至武州行欽謂行珪曰將士立我為留後共汝父子同行先定軍

府然後降太原若不從必殺汝子行珪曰大王委爾親兵遂圖叛逆吾死不能從也其子泣告行珪行珪謂曰元公謀逆何以順從與爾訣矣行珪城守月餘城中食盡士有飢色行珪乃召集居人謂之曰非不為父老惜家屬不幸軍士乏食可斬予首出降即坐見寧帖行珪為治有恩眾泣曰願出私糧濟軍以死共守乃夜縋其弟行周於晉軍乞兵救援周德威命李嗣本李嗣源安金全救武州比至行欽解圍矣嗣源與行珪追躡至廣邊軍行欽帥騎拒戰行珪呼謂行欽曰與公俱事劉家我為劉家守城爾則僭稱留後誰之過也今日之事何勞士眾與君抗衡以決勝負行欽驍猛騎射絕眾報曰可行周馬足微蹶將踣嗣源躍馬救之槓擊行欽幾墜行欽正身引弓射嗣源中髀貫鞍嗣源拔矢凡八戰控弦七發矢中行欽猶沫血酣戰不解是夜行欽窮蹙固守廣邊軍晉兵圍之嗣源遣人告之曰彼此戰將不假言諭事勢可量亟來相見必保功名翌日行欽面縛出

降嗣源酌酒飲之撫其背曰吾子壯士也養為假子臨敵擒生必有所獲名聞軍中莊宗實錄薛史紀及行欽傳明宗實錄皆云行欽聞行珪降晉帥兵攻之惟周太祖實錄高行周傳云行欽稱留後行珪城守不從然恐行周卒時去燕亡已久行周名位尊顯門生故吏虛美其兄弟故與諸說特異今從衆書嗣源進攻

儒州拔之

唐末於媯州東置儒州領晉山一縣

以行珪為代州刺史行周

留事嗣源常與嗣源假子從珂分將牙兵以從

將即亮翻從才

用翻從珂母魏氏鎮州人先適王氏生從珂嗣源從晉王

克用戰河北得魏氏以為妾故從珂為嗣源子及長以

勇健知名嗣源愛之

李從珂始此考異曰張昭於國初修唐廢帝實錄云廢帝諱從珂

明宗皇帝之元子也母曰宣憲皇后魏氏鎮州平山人
中和末明宗徇地山東留戍平山得魏后帝以光啟元
年正月二十三日生於外舍屬趙人負盟用兵不息音
問阻絕帝甫十歲方得歸宗時明宗為裨將性濶達不
能治生曹后亦疏於畫畧生計所資惟宣憲而已曹后
未有胎肩幹家宜室帝與部曲王建立皇甫立代北往
來供饋曹后憐之不異所生薛史末帝諱從珂本姓王
氏鎮州人也母宣憲皇后魏氏以光啟元年生帝於平
山景福中明宗為武皇騎將畧地至平山遇魏氏虜之
帝時年十餘歲明宗養為己子劉恕取廢帝錄以為明
宗即位後不立從珂而欲立從榮從榮死傳位於從厚
故人皆謂從珂為養子按張昭仕明宗為史官異代修
廢帝錄無所諱避而不言養子事似可信然李克用光
啟以前未嘗徇地山東又從珂若果是明宗子明宗必
不捨之而立從榮從珂亦當不服今從薛史

吳行營招討使李濤帥衆二

萬出千秋嶺攻吳越衣錦軍

自杭州東南度千秋嶺則至杭州臨安縣薛史梁開

平二年改臨安縣廣義鄉為衣錦鄉帥讀曰率衣於既翻

吳越王鏐以其子湖州刺

史傳瓘為北面應援都指揮使以救之睦州刺史傳瓘

為招討收復都指揮使將水軍攻吳東洲以分其兵勢

東洲即常州東洲也
瓘力弔翻又力小翻

夏四月癸未以袁象先領鎮南

節度使

鎮南軍洪州時屬吳此所謂名號
節度使也五代及十國皆有之

同平章事

晉周德威進軍逼幽州南門壬辰燕主守光遣使致書

於德威以請和語甚卑而袁德威曰大燕皇帝尚未郊

天何雌伏如是邪

漢趙溫曰大丈夫當雄飛安得雌伏

予受命討有罪者

結盟繼好

好呼到翻

非所聞也不答書守光懼復遣人祈哀

復扶又翻

德威乃以聞於晉王

千秋嶺道險狹錢傳瓘使

人伐木以斷吳軍之後而擊之

斷音短

吳軍大敗虜李濤

及士卒三千餘人以歸

己亥晉劉光濬拔燕平州執

刺史張在吉五月光濬攻營州刺史楊靖降

宋白曰平州東北至

營州六百九十里

乙巳蜀主以兵部尚書王錯為中書侍郎

同平章事

錯口駭翻

楊師厚與劉守奇將汴滑徐兗魏博

邢洺之兵十萬大掠趙境

楊師厚以燕晉交兵乘虛掠趙

師厚自柏鄉

入攻土門趣趙州守奇自貝州入趣冀州

九域志柏鄉北至趙州七

十餘里貝州北至冀州一百二十餘里趣七喻翻

所過焚掠庚戌師厚至鎮州

九域志趙州北至鎮州九十五里

營於南門外燔其關城壬子師厚自

九門退軍下博守奇引兵與師厚會攻下博拔之晉將

李存審史建瑋戍趙州兵少趙王告急於周德威德威

遣騎將李紹衡會趙將王德明同拒梁軍師厚守奇自

弓高度御河而東

隋煬帝大業四年穿永濟渠引沁水南達于河北通涿郡後人因謂之御

河逼滄州張萬進懼請遷于河南師厚表徙萬進鎮青

州以守竒為順化節度使

去年改滄州義昌軍為順化軍

吳遣宣州

副指揮使花虔將兵會廣德鎮遏使渦信屯廣德

渦古未翻

姓也將復寇衣錦軍

復扶又翻

吳越錢傳瓘就攻之 六月壬

申朔晉王遣張承業詣幽州與周德威議軍事 丙子

蜀主以道士杜光庭為金紫光祿大夫左諫議大夫封

蔡國公進號廣成先生光庭博學善屬文

屬之欲翻

蜀主重

之頗與議政事

吳越錢傳瓘拔廣德虜花虔渦信以

歸 戊子以張萬進為平盧節度使 辛卯燕主守光

遣使詣張承業請以城降承業以其無信不許 蜀太

子元膺獬喙齟齬

獬古牙翻牡豕也喙許微翻齟步交翻露齬也

目視不正而

警敏知書善騎射性狷急猜忍

狷吉掾翻

蜀主命杜光庭選

純靜有德者使侍東宮光庭薦儒者許寂徐簡夫太子

未嘗與之交言日與樂工羣小嬉戲無度僚屬莫敢諫

秋七月蜀主將以七夕出遊丙午太子召諸王大臣宴

飲集王宗翰內樞密使潘峭翰林學士承旨高陽毛文

錫不至太子怒曰集王不來必峭與文錫離間也

峭七
肖翻

間古
覓翻

大昌軍使徐瑤常謙素為太子所親信酒行屢目

少保唐道襲道襲懼而起丁未旦太子入白蜀主曰潘

峭毛文錫離間兄弟蜀主怒命貶逐峭文錫以前武泰

節度使兼侍中潘炕為內樞密使

炕告
浪翻

太子出道襲入

蜀主以其事告之道襲曰太子謀作亂欲召諸將諸王

以兵錮之

曰錮者以
禁錮為義

然後舉事耳蜀主疑焉遂不出

遂不

以七夕
出遊道襲請召屯營兵入宿衛許之內外戒嚴太子

初不為備聞道襲召兵乃以天武甲士自衛捕潘峭毛

文錫至槓之幾死

槓則瓜翻

囚諸東宮又捕成都尹潘嶠囚

諸得賢門戍申徐瑤常謙與懷勝軍使嚴璘等各帥所

部兵奉太子攻道襲

帥讀日率

至清風樓道襲引屯營兵出

拒戰道襲中流矢

中竹仲翻

逐至城西斬之

考異曰九國志建將七夕出

遊先一日元膺召諸軍使及諸王宴飲邸第中且議七
夕從行之禮而集王宗翰等不至又曰詰朝元膺入白

建曰潘峭毛文錫離間兄弟將圖不軌又曰及聞唐襲
徵兵乃遣伶官安悉香諭軍使全殊率天武甲士以自

衛又曰明日徐瑤常謙與懷勝軍使嚴璘等協謀以所
部兵挾元膺以逐唐襲元膺介馬率卒過其兄宗賀之

門召與同進宗賀曰兵起無名不敢聞命又曰建急召宗
侃宗賀及諸軍使令以兵討寇乃逐唐襲至城西斬之盡
殺屯營兵又自大安門登陴以入攻瑤謙等歐陽史曰元
膺與伶人安悉香軍將喻全殊率天武兵自衛召大將徐
瑤常謙率兵出拒襲與襲戰神武門襲中流矢墜馬死十
國紀年丁未元膺令軍使喻全殊帥天武兵自衛戍申徐
瑤常謙及左大昌軍使王承燧等各帥所部兵奉元膺攻
唐道襲道襲自私第被甲乘馬過王宗賀門邀之宗賀曰
兵起無名且不奉詔公宜緩行元膺遣天武將唐據帥親
兵逐道襲至城西斬之據九國志云徐瑤等挾元膺以逐
唐襲似襲在宮中欲逐之也歐陽史云元膺召瑤等帥兵
出拒襲攻東宮而元膺拒之紀年云瑤等奉元膺攻唐道
襲道襲自私第被甲乘馬似道襲出在外第元膺就攻之
也按道襲止以挾君自重既勸蜀主發兵自衛豈肯更在
外第必止於禁中也蓋瑤等引兵攻宮禁以求道襲道襲
以屯營兵出拒戰兵敗走至城西為唐據所殺耳九國志

又云元膺介馬帥卒過其兄宗賀之門召與同進是元膺邀宗賀也紀年云道襲自私第被甲乘馬過宗賀門要之是道襲邀宗賀也按道襲私第安得有兵觀宗賀所答之辭似語太子非語道襲也若語道襲宜勸之速入宿衛豈得云公宜緩行也潘炕言太子非有它志陛下宜面諭大臣以安社稷蓋當時蜀主聞亂既信道襲之言又不忍討太子無決然號令故炕言太子無它志當召大臣討徐瑤等為亂者九國志云令宗侃等出兵討寇乃逐唐襲至城西斬之是官軍斬襲也若然何故明日亟加襲贈謚乎此必誤也

殺屯營兵甚衆中外驚

擾潘炕言於蜀主曰太子與唐道襲爭權耳無它志也陛下宜面諭大臣以安社稷蜀主乃召兼中書令王宗侃王宗賀前利州團練使王宗魯使發兵討為亂者徐瑤常謙

等宗侃等陳於西毬場門

陳讀曰陣

兼侍中王宗黯自大安門

梯城而入與瑤謙戰於會同殿前殺數十人瑤死謙與太

子奔龍躍池

龍躍池即摩訶池

匿於艦中

艦戶黯翻

己酉太子出就舟

人勾食

勾古太翻乞也

舟人以告蜀主亟遣集王宗翰往慰撫之

比至

比必利翻

太子已為衛士所殺蜀主疑宗翰殺之大慟

不已左右恐事變會張格呈慰諭軍民榜讀至不行斧

鉞之誅將誤社稷之計蜀主收涕曰朕何敢以私害公

於是下詔廢太子元膺為庶人宗翰奏誅手刃太子者

元膺左右坐誅死者數十人貶竄者甚衆庚戌贈唐道襲太師謚忠壯復以潘峭為樞密使 甲子晉五院軍

使拔莫州擒燕將畢元福八月乙亥李信拔瀛州 賜

高季昌爵勃海王 晉王與趙王鎔會于天長

即鎮州之天長

也鎮

楚寧遠節度使姚彥章將水軍侵吳鄂州吳以池州團練使呂師造為水陸行營應援使未至楚兵引去

九月甲辰以御史大夫姚洎為中書侍郎同平章事

燕主守光引兵夜出復取順州

是年春正月晉周德威拔燕順州

吳越王鏐遣其子傳瓘傳璟

璟力彫翻又力
弔力小三翻

及大同節

度使傳瑛攻吳常州營於潘葑

今常州無錫縣有
潘葑酒庫葑音封

徐溫

曰浙人輕而怯

輕墮
正翻

帥諸將倍道赴之

帥讀曰
率下同

至無錫

黑雲都將陳祐言於溫曰彼謂吾遠來罷倦未能決戰

罷讀
曰疲

請以所部乘其無備擊之乃自它道出敵後溫以

大軍當其前夾攻之吳越大敗斬獲甚衆

高季昌造

戰艦五百艘治城塹繕器械為攻守之具

治直之翻
塹七艷翻

招

聚亡命交通吳蜀

東通吳
西通蜀

朝廷浸不能制

冬十月己

已朔燕主守光帥衆五千夜出將入檀州庚午周德威
自涿州引兵邀擊大破之守光以百餘騎逃歸幽州其
將卒降者相繼 蜀潘炕屢請立太子蜀主以雅王宗

輅類已信王宗傑才敏欲擇一人立之鄭王宗衍最幼

其母徐賢妃有寵欲立其子使飛龍使唐文宸諷張格

上表請立宗衍

宸隱豈翻
上時掌翻

格夜以表示功臣王宗侃等

詐云受密旨衆皆署名蜀主令相者視諸子亦希旨言

鄭王相最貴

相息亮翻

蜀主以為衆人實欲立宗衍不得已

許之曰宗衍幼懦能堪其任乎甲午立宗衍為太子

為宗

衍亡蜀
張本

受冊畢潘炕以朝廷無事稱疾請老蜀主不許

涕泣固請乃許之國有大疑常遣使就第問之 嶺南

節度使劉巖求昏于楚楚王許以女妻之

妻七
細翻

盧龍

巡屬皆入于晉燕主守光獨守幽州城求援於契丹契

丹以其無信竟不救守光屢請降於晉晉人疑其詐終

不許至是守光登城謂周德威曰俟晉王至吾則開門

泥首聽命德威使白晉王十一月甲辰晉王以監軍張

承業權知軍府事自詣幽州辛酉單騎抵城下謂守光

曰朱溫篡逆余本與公合河朔五鎮之兵興復唐祚

五鎮

潞鎮定幽滄本字下當有欲字

公謀之不臧乃效彼狂僭鎮定二帥皆

俛首事公

鎮帥王鎔定帥王處直俛音免

而公曾不之恤是以有今日

之役

守光攻易定晉王救之遂伐守光事見上年

丈夫成敗須決所向公將

何如守光曰今日俎上肉耳惟王所裁王憫之與折弓

矢為擔

折而設翻

曰但出相見保無它也

言不殺之

守光辭以它

日先是守光愛將李小喜多贊成守光之惡言聽計從

權傾境內

先悉薦翻

至是守光將出降小喜止之是夕小喜

踰城詣晉軍且言城中力竭壬戌晉王督諸軍四面攻

城克之擒劉仁恭及其妻妾守光帥妻子亡去癸亥晉

王入幽州

唐昭宗乾寧二年劉仁恭據幽州至是父子俱敗亡帥讀曰率

以寧國節

度使王景仁為淮南西北行營招討應接使

梁攻淮南攻其西北

將兵萬餘侵廬壽

廬壽二州名為王景仁為吳所敗張本

資治通鑑卷二百六十八